

蕪州志卷之十

藝文

文昌閣記

明新安吳國佐

農

蕪陽吞吐吳楚志所稱淮壖之上腴而帝轂之衝會也其脈自潛霍湖流蜿蜒數百里至蕪之東南隅伏行水中突而爲磯泛泛焉與波光上下文其名曰浮玉其石如半如犀如象如馬隱隱現現夙爲檣帆患然砥柱江流晁爲奇勝非若零陵之燕徒作怪石供者先是江防侯公築基構亭創蕪前之蹟而韓公復增益之尋以大浸就圯蓋無人不運修舉之思焉不佞承乏茲土歷歷

蕪州志

卷十

藝文

江波見此磯映帶山川前窺圓峯後枕馬口右擁麒麟鳳凰之王氣左髀唐帽玉屏之晴嵐躍然鼓袂曰洋洋乎大觀也哉此固蕪之地軸也而夷爲孤嶼耶因聚族而謀鳩工採石基增丈許建飛閣以峙之祀文昌帝于其上按天官書文昌星在北斗魁前與三公同此閣正位于巽巽又爲太乙文章之府摺笏斯郡則星之所臨氣之所鍾上感下應化機周流誠有如玄禦經之語云尋睹黃潤之氣歷紫微經陰德爛然文昌之次必郡文學應之矣閣成之日進諸文學而校藝其中語之曰李

青蓮登落鴈峯謂呼吸通于帝座恨不携謝朓驚人詩
來今登此閣非惟心情開滌亦覺日月清明諸生能作
是觀乎試與子草境會心縱目遐睇彼夫層巒絕岫插
漢排霄長江巨濤一瀉千里非即文之雄傑而浩蕩者
乎花洲獻妍雲樹騰蔚朝霞夕暉水天掩映非即文之
菁華而濃郁者乎風靜月輪霜空雪巘澄江如練絕無
纖疑非即文之清虛而瑩潔者乎梵磬雨聲漁歌江韻
沙鷗與臯鶴爭鳴簫鼓共松濤競響非即文之樅金戛
玉鏗然錚然而餘音者乎乃若空嵌衍滅嶙峋砒砒

蕪州志

卷十

藝文

二

迴狂瀾于既倒障百川而東之則文之挺幹標貞其屹
立有如此矣又若厯喧鯨舞雷向電激川岳倏然色改
育賁愕而魂搖豈非文家之神奇變幻驚風雨而泣鬼
神者哉况馮欄拄頰望大醫之蘭若撫興霸之雄圖思
禹功之平成拜壯侯之義烈捐柴桑之故里問白甫之
遺踪弔古長吟但可收爲毫端揮灑之用諸生際此佳
景賦雄風歌白雪揚葩振藻能無解筌於境物之中而
探珠於文字之外者乎江山助人良非虛語異日驥首
龍津翱翔皇路沛然共羣流之赴海而歸然若一柱之

支天長發其祥則地之靈以人傑重斯閣且載以不朽
寧獨與黃鶴岳陽諸名勝徒聳澤國之觀已哉閣高二
丈許地直六丈餘橫半之甃以累石繚以周垣翼以長
廊繪以丹青閣下三楹中爲游燕兩隅一爲僧舍一爲
庖湍所是役也經始于孟夏落成於仲秋約費金錢肆
百餘緡捐助者有荆王劉憲伯劉少叅及郡守佐紳衿
商庶若而人其餘金置田若干畝以供祭祀香火僧饌
并賑貧生之費另悉別紀董是役者州守倫應祥州幕
吳繼宗河泊張桂省祭盧楷諸生孔庭訓盧如鼎例得

並書是爲記

文昌閣記

明濟北李若訥 季重

明萬曆間新安吳長谷先生以觀察之節治兵于蘄其
爲政也開誠布公肅而且朗剔蠹振靡紀綱犁然蓋自
設下江防以來先生冠之尤注心於人文之勃發採形
家言以佐其盛郡西南大江滌洞浮玉磯突出其方向
爲巽形家謂之文峯先是僅僅拳石未足以屹大觀風
濤且虞其泐即小築亭榭未足以侑宏美歲月且虞其
圯先生相形勝之萃鍾殫心思之勤摯捐祿以倡郡中

賢藩懿紳繼以咸有所捐商民普勸金錢輻輳鳩僦厥
工歷夏及秋拓石基而升加攢木材而鼎建飛閣道上
命曰文昌下爲堂楹旁爲僧舍伏臘俎豆爲士人祈文
事士人亦州處課藝其中剏造餘緡以買田其田租供
祀飯僧且以周士之貧自是登雋者相續如綴玉先生
洵大有功于人士矣先生之自記曰斬乃吳楚之滙脈
浮玉磯乃斬之地軸前賓山峰後枕馬口右擁麒麟鳳
凰左挹唐帽玉屏建閣以祀文昌文昌爲太乙文章之
府尋睹黃氣歷紫薇必爲人文之瑞於此見先生此舉

期不朽焉不朽以文也斬人之記先生者曰先生膺江
防之寄簡卒治艦修戍警夜隱然敵國又較士而賞賞
而訝其操器不售以爲山川環聚而當其門戶一往莫
收遂建閣於石磯也吾郡斯文更不落莫而造吾黨基
厚於此見人服先生此舉能不朽焉不朽以文也余不
揣續記之曰先生任重揮艱其鏃鏃者兵乎武乎諸所
畫于江上及城中得未曾有其宗社之長策鼎鍾之偉
伐乎郤穀詩書希文甲兵矣人人爲之加額而傾心矣
於此見先生之期不朽人之服先生不朽焉不朽以武

有其文也余附先生籍而名位蹉跎方自慚雌甲乃猥
爲同寅踵先生舊履於數年之後得聞其開誠布公剔
蠹振靡者故爲諸生記之而先生文武之略與浮玉磯
共敝天壤倘亦許附一字否耶系之以詩詩曰

桀閣嵯峨蠹雲起檻前吞吐長江水文昌夜耿使星蒼
執法寒生天宇紫似有虹橋縹緲通盈盈拍挹碧秋中
忽思到日歡迎竹都向層波化作龍

文昌閣銘

并序

明雲杜李維楨

大宗伯

蘄春南郭里許江有石磯突起哈呀桃花水盛暴集

志

卷十

藝文

五

沒頂舟行遇之輒敗或窒得不得轉移旅客凜凜不
免是懼徐州守倣挈轡令舍之意構亭其上劣容數
人耳方伯吳公治兵於蘄廣旰營表謀夷變而築宮
乘水勢殺時周遭捷菑爲隄激層累成基平正如砥
建傑閣鎮之長年三老識其處晝眠而過無復患苦
初辨方正位厥位當巽巽風上坎水下於卦爲渙睽
渙之水五采成文號之曰績在天成象在地成形非
文昌孰能當此者乎閣祀文昌禮以義起也形家又
謂控扼下流山聚土澤鍾水水土演而民生蕃殖更

埤益學宮之勝自是入省試上春官得雋盛倍疇昔
登閣四望左有南山右有麟鳳二山後則匡廬秀色
遙可攬結前則龍津蘭若洲渚連亘縈帶大江而下
城郭塵市人烟氤氳林薄蓊鬱魚鳥飛躍比屋絃歌
樓船簫鼓榜謳漁唱鐘梵之音輻輳並至耳目不暇
應接居者行者得未曾有侈譚其事而州人陳茂才
孺子索余爲之銘竊比張孟陽之劔閣云其辭曰
兩戒四瀆江河爲尊自北而南湍悍長奔江有灑瀕河
有龍門以遏狂瀾以奠厚坤峩峩橫石斬江中央乃召

斬州志

卷一 藝文

六

匠氏削成四方象彼北斗戴魁六匡聿考新宮用祀文
昌如辟雍環如霞標揭上下往來巨艦細筏足不虞觸
趾不虞蹶氣無沉滯亦無散越載占諸易惟渙則然柔
順從剛在中罔偏血去惕出杌得願焉爰假有廟利洗
大川鱗介游泳恬風澄波天時地利協於人和登高能
賦於茲婆娑仰觀俯察醴酒賡歌四民樂業既富方穀
思皇多士菁莪棫樸貴相理文司命司祿江神佐之咸
蒙禔福作者伊誰新都吳公尸祝俎豆興誦融融離堆
砥柱竒蹟攸同史記令名河渠書中

吳公生祠記

明雲杜李維楨伯大宗

新安方伯吳公以憲使部武漢黃三郡治蘄樹風聲著
話言引表儀制事典正法罪辟刑獄教防利委常秩基
年吏恪於位兵輯于伍農狎于野商旅出於途時無逆
數物害無生尤以建國長民教學爲先羣所部博士弟
子員而董振擇之游有鄉處有所使惇惠者教之使文
敏者道之使果敢者諭之使鎮靖者修之體貌以左右
之明法以宣翼之恭敬以監臨之勤勉以勸之德音以
揚之爲新學宮使羣萃而州處其心安焉不見異物而

蘄州志

卷十 藝文

七

遷又爲置田廩于籍東南鍾而藏之而匪頒之貧士無
失職者又以山土之聚藪物之歸川氣之導澤水之鍾
也當江下流中疊石爲山建文昌閣其上聚不弛崩而
物有所歸氣不沈滯亦不散越於形法家言最勝州人
士爭自濯磨求無愧爲公弟子春秋獻賢能書升司徒
曰選士升司馬曰進士辨論官材布在中外倍于疇曩
州以文獻大國名國人與四方縉紳學士歸功于公而
公已晉秩行其門人歲時伏臘有事於文昌閣者相與
歎曰吾黨小子仰公若黍苗之仰陰雨公實芑陰膏澤

之使成嘉穀薦在宗廟夫文昌血食于茲非公何有吾
黨擇柔嘉選馨香奉犧象陳鼎俎靜巾幕考鍾鼓駿奔
走于文昌而曾不以簞食壺漿如鄉者迎送公惡惡可
庚桑楚匹夫耳居畏壘大穰畏壘之民尸而祝之祀而
稷之不腆斬稱方州公之爲德也深矣植本也固矣生
而尸祝公不亦可乎夫公盛德大業學校則祀警宗廟
廟則從大享他日誠未可量然而俟河之清人壽幾何
及今日而祠公觴酒豆肉庶幾公不吐夫亦感恩知己
至情不容已也諸與余善者走使質余於禮可否余報

新州志

卷十

藝文

八

之曰禮非由天降非由地出人情而已詎生情之所至
禮亦至焉是爲禮以義起夫誰曰不然余按舊史生祠
白漢樂布石慶于公鄭重張奐任延以來代不乏人人
無異議秉彝好德民所歌舞天必從之禮從宜因時惟
至當之爲貴復何所疑諸生曰宗伯典禮稽諸古而不
謬紀言以敘之述意以導之明耀以照之其在斯乎福
成錄其說勒諸麗牲之石

新州二顧理學先生傳

督學高公世泰
緝全林總志

黃岡龍墳

諸生

自嘉隆距萬曆中天下咸重二顧以夫子云二顧天子蓋

所稱曰巖桂巖先生者也曰巖先生成進士官止叅知桂巖先生成進士官止憲副然天下誦慕乃在公卿碩輔之上人固不因祿位重也作二顧先生傳

曰巖先生者諱問字子承蘄州人也太母娠婉時夢巖端日升大如車輪驚寤而目中猶睹光耀流燭上下以故後竟號曰巖云幼與羣兒嬉羣兒皆如尋嘗馳逐獨先生積瓦礫陳盤盂雍容揖拜作顓帝禱祈之語比入小學先以請于父母而泣父母曰兒飢耶對曰兒不飢欲讀書耳使就師師每爲句讀竟十行十行告覆無舛

年十七有疾父母以爲憂先生曰病易與耳政恐以此廢學不至聖賢爲大懼大罪也遂閉戶危坐時以性理遵養未幾補郡諸生第一登嘉靖戊戌進士己亥除浙西壽昌令昌之俗不畜女類溺死先生愀然曰二氣互用男女等也令固親民奈何任其頽俗寧聽其蚩蚩者在天萬萬嬰兒不比于剗胎毀卵哉廼懸書禁民無溺女溺女者坐凡生女彌月旌其父壽昌各以顧名女歲所全活數萬壬寅徵爲侍御史雖居官而講業不輟遂有陰忌之者中以他事出爲來安令甫下車邑以稷告

先生多方區畫民忘其凶乙巳遷邠州守又明年陞
中按察僉事蔬食清謹越人呼爲茹菜顧公庚戌陞叅
議留越是歲弟桂巖公登春官榜先生滿三年考階朝
議大夫 恩逮所生久之以內艱歸與弟桂巖同廬墓
側三載服闋先生稱疾同弟侍封公于山水木石之間
曰冥揆真遇生理所在安能長逐塵囂不爲色養計耶
暇與王龍溪錢緒山弟桂巖講學于崇正書院己未封
公謝世哀毀如內艱兄弟復廬墓于鉅鉅水上家食者
十年隆慶己巳起徐州兵備帳前組練帳內咨論由是

人人皆嘆理學包括之無遺也庚午擢八閩叅政天下
向學之士赴閩者頂背相望時弟桂巖公亦以南銓郎
出爲閩海鹽軍副憲同地同官同時海內嘖嘖而桂巖
公竟拂衣然檄以隱先生曰吾弟年三十九未強乃勇
退如此吾奈何以顛顛之身共瘴烟海氛乎弟固招吾
隱也于是九疏乞骸得報歸歸則講學養道于時若令
菴荆川剛峯甘泉見羅近溪東郊二耿諸先生以及本
州李平湖先後竿牘相應晤言相證針芥所投會心政
遠先生一言一行必本于道衣冠與妻子語如對外賓

日長晝靜無一雜念自編日程以疏功過羅洪先曰子承真聖人之徒也耿定向曰豈其忠信可行蠻貊論行誼鬼神無疑矣唐順之曰不賞民勸不怒民威子承其近之三先生定不阿私其所好也卒于萬曆辛卯行年八十有一自拂衣以與海內尊宿暨弟子良切劘于山野林露之間者垂二十年屬纊時迎武昌故人劉應元爲別先生曰他事俱非在我惟去來明白不負此生爾乃瞋學者私謚爲中和夫子別爲木主以祀聯其柱曰志行無忝程朱從事真追王薛所手編語錄詩文三十

蕪州志

卷十

藝文

十一

卷又理學名家往來書劄詩文外集十卷萬曆癸丑桂巖先生亦卽世

桂巖先生者曰巖先生之胞弟也諱闕字子辰少日巖先生十七年太恭人夢遊海上聞喧傳巨魚來須臾巨魚鼓鬣鬣洪濤中太恭人問曰魚從何來中有鱗身人首者答曰從濂溪來疑先生卽濂溪後身也六歲類焚祝天願爲道德性命之學以報劬勞恩十七補郡諸生志希聖賢甚厭薄舉子業封公曰汝不理舉子業欲何居對曰欲不臣不仕耳復叩之又曰欲駕風鞭霆耳封

公撫然不樂曰聞之志與天齊者不祥公瞿然屈首帖
括輒試高等年二十二舉孝廉先生欲侍親無意計偕
封公隱爲之治裝趣行先生泣不勝及至都尚孺泣如
別狀試事竣即歸省道中閱朝報已成進士矣比歸敝
褐寂如封公意且落第及詢之曰兒已登禮官榜封公
喜曰吾不喜兒功名喜兒襟度耳癸丑當廷對先生
不欲往封公不聽業緱劍待之先生涕泗交頤而別廷
試二甲除爽鳩得與海內聞人相倡和歷下弇州嘗招
之入社乙卯聞太恭人訃匍匐歸歸與日巖先生同廬

蘄州志

卷十

藝文

三

墓所服闋與兄先生証悟道德性命宗旨不忍離誓不
復仕已未封公即世復墓廬于鉅姆之濱明聖學友如
日巖先生友蘄有一鄉距城百里而遙舊俗獷悍格捕
逋賦數扞有司文網中丞直指公建議屠滅之先生哀
其愚力言于兵備使者與其州大夫願以禮化白請往
偕門下數輩申以孝弟一鄉聽之不踰時而咸若于訓
至今德先生封公服除隨牒補儀部郎旋移南銓部勲
司郎于時有蔡百貫者倡教白蓮實繁有徒所司捕得
餘黨數十百人一切置諸理先生徐爲之解曰若輩豈

盡左道誣民哉或苦饑寒抑迫脅而從之驅無罪之民
柴從白刃忍乎因得及于寬宥當是時公年僅三十有
九決策不仕稍遷至閩中憲副予告歸里前後推轂者
凡二十餘疏先生竟不爲意 召陟銀臺不起朝夕從
日巖兄抵掌討論思修身體道無負劬勞恩而已布袍
革屨者四十伍年偶過梅川流水坪之巔恍然有會機
鋒透頂前後宦遊僅四載而笥橐蕭然萬曆辛卯日巖
先生捐館舍先生悲不自勝至有隱几曲肱成一夢弟
兄相見語婁其之句先生自少壯而老非宦遊則時時

新州志

卷十

藝文

三

左右日巖公亡則促席夜則同被每出必揖必告所往
歸則告歸日巖公出入亦如之其孝友雍吉蓋如此白
賦詩云世上無如兄弟好草堂風雨夜牀聯里人傳誦
萬曆癸丑先生年八十有六春暮忽召子太儀孫天錫
語曰昨夜夢聯云津吏報增三尺水山人歸臥幾重雲
是歲當大水吾將去矣已而果然危坐垂目私謚爲宣
靖先生先生治六經尤精詩易所著有諸議諸說而其
要以社學社倉爲王道首務云

論曰如靳春二顧先生者孝弟和藹之氣其浹于家治

于邦哉令人神遊其中恍然置身于羲皇以上也至于造詣登峯透腕徹底却已分程朱王薛之座七八十年同寢大被有如始孩較之古姜氏又不侔矣朗日耀林麓巨鱗從濂溪夢感太恭人者微矣哉必如是而父母劬勞之恩乃可云報不然恐大懼大罪之未有已時矣

憲副李鑑池傳

督學高公彙旃黃岡龍墳夢先緝入全楚總志

公諱際春字和元別號鑑池蘄州人也粵稽先世蓋中州之息縣人洪武開始祖慶以軍功授朔州衛百戶傳信至斌改滁州已又改蘄州俱世其官斌生俊從景

蘄州志

卷十 藝文

古

皇帝征香爐山擒僞主韋同烈累功世副千戶俊兩傳至儒爲東池公始矢文德以季子贈都御史東池公生男五公其第五子也生而蚤慧九齡贈公歿撫公曰不及覩爾成愛日以學及時以行務立身慎擇交敬受教乃與伯兄叅戎仰池仲兄諸生思池叔兄比部愛池季兄少司馬夢池相誓立石世世無析箸迄今六十年男女千指怡然同爨飲食以齒執觴觚杯豆秩秩也事受成于家督橐無私財衣無嘗主身無私力母太恭人黃憐愛少子不輕令就外傳十三始授章句自講誥迨行

文僅百餘日比部公方孝廉家居公執經焉終身不敢
序雁行隆慶庚午以第一補郡諸生萬曆癸酉中鄉試
第三名時御史爲舒公念廷方伯爲王公鳳洲皆國士
遇之丁丑成進士館試時江陵欲以才望見收公不稍
動遂不果試出宰浙之歸安有富監者淫人妻而焚其
夫姻連要津殆不可問而公卒窮治之抵于理時 神
廟詔量郡邑田豪右隱占獨累貧民公按籍履畝未嘗
少徇分試浙闈當路以愛子越籍見託許酬美官公峻
拒其請民謠有歸李中秋月之句癸未量移戶曹丁亥

蕪州志

卷十

藝文

五

督餉蘭州一幕官解數千緡中爲盜劫公廉其寔以他
羨補之幕得不死戊子丁內艱服闋復督餉于蘭壬辰
遷涼州叅議地方苦俵馬公力陳不便忤大中丞勿恤
甲午遷廣西學憲是科得人爲盛前所忤大中丞銜之
以去任風影事見中部覆改調公竟拂袖歸絕跡郡邑
別營郊墅以詩文自娛無何比部公亦致政歸而中丞
公又復扼礦瑞解節鉞三兄弟嬉咏杯泉填篋應和又
亡何中丞公捐館舍比部公春秋高漸謝賓客公乃獨
操家乘奉伯仲兄如父

起食後家食如是者十

九年婚嫁子姪凡數十一出公手復增置義居義田以
膳族姓古人重宗法車馬不入里門節儉寡約繫于其
官可告祖先里中呼爲東門李家蓋以真孝真友真介
童僕無擾不似他李也公又募數千金築堤長二十餘
里障郡之赤東湖水患人又方之爲維橋蘇堤也癸丑
以兩臺荐擢四川參議回賊亂公壯方畧殲厥渠魁蜀
以定乙卯陞河南汝南道副使過里門值比部公喪戚
易備至徒跣號送汝南礦盜各沒心秤者聚黨千餘拒
殺捕兵公計縛之數歲不登拮据荒政全活數十萬竟

用是瘁而公病不起矣易嘗時猶訣云吾登高科歷方
面未嘗寬一民持一錢死復何憾獨垂老出山建豎止
此報國恩未盡耳公偉身長髯英異天植內嚴外寬
辨而不察坦而不阿非禮樂而有所紛華則稱不習太
恭人病顛天乞代衣不弛帶者兩月自皇祖朝筮仕
至卒官歷中外所至恪共不畏強禦不侮鰥寡不懾兵
荒歿之日橐無一錢僅以四竹籠歸莊事諸兄如父視
兄弟之子踰已子訓其子樸標挺扶模曰吾居鄉居官
惟以鬼神二字時時在念汝輩宜用此心腸作人迎養

長女成其節公卽不後文藻而口所攄詞皆成珠玉內
行醇備博依而端于師友多信而寡貌嗚呼真古之篤
行君子哉

論曰東門李三字蓋含千古芳冽焉東池公五丈夫子
有達者有未達者有壽者又有夭者五君子伐石立誓
終其身不析箸固也五君子子凡十有四人十有四人
子又不下三四拾人抑何其克遵前訓雍雍淵睦歟張
公九世同居謂能守一忍字夫忍者必有不忍者而後
忍之也乃李之三世孝友性成無所事忍則視張公益
不啻過之矣其表爲東門李有以也夫

蘄州志

卷十

藝文

七

李氏苦節傳

督學高公彙編
緝入全楚總志黃岡龍墳

苦節李氏者蘄州生員瞿平之妻也年十六歸平甫兩
稔而平死無所出而如尋常夫死求死求死不得毀容
瘠立不具論氏年僅十八前途甚遙又無一藐孤遺腹
欲存平後之心萬一游移不爲越禮然而氏不然也曰
吾夫無子是我尊章無子也我其爲尊章子尊章無子
止無孫我以一身奉事尊章待百年後卽尊章見我如
子我未亡人不卽死猶可永死後之事也我其爲尊章

孫百凡忍苦奉事尊章洗腆并牖四時伏臘不輟瞿平
之父母安之若似有子者深閨中且無晝哭聲家庭雍
肅壽考百年附身附棺必誠必信亦不知尊章之無孫
者及尊章葬畢三年喪滿乃歸寧于李前後共苦節四
十二年至六十乃終

朱母貞節傳

督學高公彙旃
緝入全楚總志

黃岡龍墳 夢先

朱母黃孺人者蘄州岸生朱垓之母也姓黃十六歸朱
益所公用謙益所公本楊姓是爲楊小池公季子出繼
于姑之夫曰朱信菴遂姓朱母遂呼朱家婦益所游于

蘄州志

卷十 藝文

夫

夙序厥志未酬而竟蚤夭母哭訃絕爲遺孤垓而忍死
時年但二十有二耳維時擁兩孤女一孤男左提右襟
霜冷冰寒譬彼慈烏獨峙羣雛啞啞環而聲不歇口血
枯心血亦與之俱枯信菴立繼後復生二子頗不利于
嫂之孀母曰異姓而嗣故宜退處不爭之地安有憾之
天吾何求哉獨晝荻課兒是吾事也後有興者吾其爲
宋之家婦楊之支裔乎於是一切節齋而奉尊章則必
腆嗟乎兩姓骨肉之間柴池萬狀卽善調者誰與合異
爲同而母能使之和協賢哉夫爲朱也子者而薄予之

產外之也義可歸矣而母弗忍曰始徐之卽復姓不宜
在吾兒身其俟之後人乎及舉孫道衡然後乃尋楊之
派道衡年十五卽補諸生有聲夫母一身耳佐夫長子
孫詩書之效畧見端矣乃母以四十餘年茹荼餐蓼神
瘁血枯疾乃大劇垓醫禱百方候息寢側者六十晝夜
而母卒時爲壬戌七月也乃母卒僅七日而諸文學縉
紳咸以節舉州郡上其事於學憲公允以題旌未卽
俞垓乃走京師上疏得所請夫世之孀者率奉金仙
禮僧尼以爲盛節而母弗是也若以塵案蹙眉有影子
然寒機曳肘厥緒焚如日以筋力籌前志而衍貽謀之
不暇而暇作二六功課未之前聞也斯其爲儒門之女
儒門之婦儒門之母也哉

先是孺人已
有傳因寇燬而失故其孫道衡囑絃補
作嗣後絃以修
斬志復得斯傳於高公彙旃藏笥中
爰並存之

恩姊 旌表劉貞節

弟顧天錫述

旌表劉貞節字永貞天錫同母姊也至孝剛正聰明邑
稱女聖讀書旁覽百氏善爲詩法漢魏不肯作近體府
君難其適聞同里孝廉劉廷桂子鉞者有至性許之吾

母先後十六娠予最後娠五六月胎動母撫腹語姊曰
此胎疑是男自來生男殤哭成疾得母復累我耶誓不
飲藥姊潛與婢柳愛計掘蓐媪至母蹙額曰是汝勾當
媪取鼠穴土入無根井泉順匙擾飲母胎定姊提錦褶
贈媪故姊嘗教天錫偶不聽輒詈曰惜我紅錦褶換汝
命來錫卽泣以此錫生萬曆戊子季冬二十九日照
牕睜視不畏體有黃毛寸許母抱而憎之姊笑曰昔周
彥祖生而醜狀駭人其母欲棄之其父不可曰吾聞賢
智多異貌與我宗者必此兒今弟安知不興吾宗者不

肖老矣痛無以報矣姊于歸之翼日既贄見舅姑公鉞
曰鄰有賢人可拜見賢人者貞節馬氏也公鉞重禮畧
俗如此歸始十八日公鉞試童子舟次黃陂團頭河墮
水物故屍歸盛夏姊伏屍哭糜爛沾面求死殉外祖母
馮夫人年九十臥病以手捏婢數輩曰噉疾去女死汝
死於是羅而守之竟不得死不飲水漿五日不櫛沐者
數月髮脫背瘡家人久不相見者見幾不識時年十九
耳無何舅姑卒先妣迎歸居斗室溽暑嚴寒不出戶每
哭輒嘔血盈盥先王父聞之曰歎過矣禮踊有節哭有

時如曰弗忍行道之人皆弗忍也姊括其髮而拜遂節
哭後數年予長兄嫂逝次兄逝吾母又逝焉水漿不入
口又五日府君病革令婢扶而跪曰我祖宗九世名儒
汝第九世大宗一縋耳汝守劉氏節撫顧氏孤兩盡孝
今託汝勿復辭姊叩頭哭天錫以首觸地涕塗滿面左
右皆哭於是姊始飲食明年府君卒又水漿不入口五
六日州守朱公圻聞之拜于堂榜之曰禮宗祀必致膳
冬必致帛炭後州守以爲常崇禎二年巡按御史宋公
景雲上其事 上命禮部覈實以聞尚書李公騰芳覆

蘄州志

卷十

藝文

三

疏云顧氏幼稱女聖邑號禮宗僅十八日之倡隨茹四
十年之冰蘖誓一死以殉夫不減桓嫠之至性歷千辛
而撫弟聿追張羽之孤踪貞節宜鐫之赤壁文心當懌
於黃陂 聖旨是命有司建坊旌表已故重生劉敏妻
顧氏貞節十六年春張獻忠陷蘄州予與景星掖姊行
雪中懋一空廟賊至此曰何物老媪討死早姊曰吾未
亡人荷 上恩旌表恐混死辱 朝廷來討一明白死
以首觸石血濺面天錫及妾明氏兒景星幼女阿二爭
代死賊歛刃曰噫汝一門慈孝吾不害汝姊又曰少年

汝勇力如此不報君親立功位反爲賊賊熟視曰坐吾
當來須臾果來持糒與棗曰孰爲節婦家者善飼之汝
屬幾塊賊稱人爲肉塊也曰十三日夜見火起可東馳
去予南陽人姓王爲賊脅非賊也夜北城樓火起如其
言得免避亂九江八月抵南京寓上清河疾作以聖畫
壁曰崑山產良璧瑤池集瓊璣鄙德比貞玉形神同所
歸姊自孀居不復作文字臨終始書此嗚呼痛哉壽七
十四生平不衣帛不晝寢不夜哭不聽音樂不處暗室
所居香燈奉佛書史縱橫父母舅姑忌日未嘗食遇禽
蟲有溺死者輒悲惋不自勝歲有孤鸞巢于楣上垂二
十年畜一白乳雞不雛不伏亦十餘年其感物如此家
人謂其聖也皆以夫子稱之甲申十二月載櫬如崑山
寄塋栢家灑遺命合塋與公鉞合墓今尚未能天錫服
斬衰三年景星比不杖期禮以義起也

朱母黃孺人貞節傳

以後國朝文

郡人盧紘

江南大叅

傳曰忠臣殉國節婦殉夫於義則同而顯晦存乎其間
抑所遇之有幸不幸耳惟忠臣不自言其忠是謂真忠
節婦不自言其節是謂真節雖不自言其忠不自言其

道之所必彰蓋其人不恒有或數十年百年而一間
生焉其蹟亦不盡顯或數十年數百年而一表著焉至
已間生矣已表著矣其卒也仍存乎若顯若晦之間而
不獲遽登汗青勒彤管是知此乃天地之所甚護惜而
鎮重如祥麇瑞鳳不肯輕褻越於尋常耳目之前也絃
生也晚竊聞諸先慈羅淑人所述而有私識焉先外大
母朱氏女先慈于朱氏爲女甥故述朱事爲特詳朱母
黃孺人者蘄諸生朱公用謙嫡配也孺人父諱三陽歲

蘄州志

卷十

藝文

三

貢士弟龍見亦郡諸生皆有聲于蘄而克以禮義型家
者孺人年十九適朱公朱公爲諸生楊公小池第四子
小池妹嫁鄉賓朱公信菴無出以兄子爲已子是爲用
謙公遂姓朱甫數齡楊氏見背信菴公繼娶袁氏生子
三女一卽絃外大母也黃孺人適朱生女二子一甫十
年而朱公遂捐館時孺人年二十九歲耳袁氏所生三
子旣成立有室舅若姑於孺人未免異體視他婦皆怡
容炫飾甚當舅姑心孺人承事益謹居恒自其淡朴言
笑不形惟歲時稍變服一庭拜舅姑退則縞衣素襖而

已閉關靜居終年足不踰閭笑然撫諸孤待其成立
子垓性穎異孺人勉就學補郡諸生女一嫁諸生華光
祿一嫁荆藩典籍官姚祝方朱公信菴拆產時予已子
倍有加予孺人不及十之二孺人恬然順處無怨辭亦
無忤色茹荼食苦凡四十一年以病卒孺人當朱公歿
時已誓以身殉哀毀備至五番絕而復甦其卒不死者
爲楊氏孤故也卒之久呼子垓囑曰吾勵志四十餘年
恪事舅姑代夫子孝養喪葬禮咸無缺子女胥有成孫
且補博士弟子員而兼抱子吾何憾可以見爾父於地

蕪州志

卷十 藝文

五

下矣言訖遂正襟瞑自逝孺人生明嘉靖四十三年之
甲寅卒以天啓三年之癸亥斬人士聞而哀之相率具
貞節狀請于州守錢公上之郡守某公再上之學使者
顧公咸爲嘉歎錫額以旌屢覆核無異議始請諸直指
宋公列其事達諸 朝下廷議閣久不報子垓于丁丑
歲匍匐走都門爲泣控于時大宗伯姚公哀其志覆
題得報可下儀制郎移楚轄給賞建坊以旌其節垓歸
自京師以傷瘁故盡 賚志歿孫道衡襲楊姓入庠及

孫遐齡樹

小氏自有後父子俱復本

矣雖家計日落猶惓惓謀嗣先志莫於通國大都樹片
碣以表祖母貞暨癸未斬城墮於寇代隨革而遂不克
舉矣縉屬孺人晚未及道衡爲同學遊方以孺人貞節
請諸州郡守及學使者直指公雖年卑幼實親奔走隨
諸長老後蓋身與其盛事者孺人先有傳緣城燬不復
存道衡亦不甚記憶越二十年歲壬寅縉宦于吳道衡
就訪持孺人狀爲索傳謂縉曰附青雲而施後世史遷
氏言之矣今吾祖母傳失記子儼然列在大夫爲當世
司風教重臚其事非子而誰縉以卑幼故終逡巡不敢

蕪州志

卷十

藝文

三

任又懼最盛事民無聞謹就道衡所自述以所竊聞于
先慈者補其畧焉是爲傳嗚呼夫孺人有子有孫其事
尚述不甚詳則孺人生平幽貞自晦雖子若孫尚不得
一聞其不自求表異於人可知矣是之爲真節也夫

孔茂才聞卿傳

郡人盧縉

江南大縣

公諱庭訓字聞卿蕪諸生族單寒終鮮兄弟乏嗣撫姊
子爲已子於縉爲中表戚故視縉先人若同胞視縉亦
猶子也公兒時忽若有所憑發狂語類謠云萬丈深潭
栽葡桃水底無根栽不牢有人栽得葡桃住千年結子

萬年牢嘯嘯不絕口如是者數日父母驚錯不知所自後數日漸甦問公公亦不復記憶及爲諸生有文譽少司寇李公夢池副憲李公鑑池皆器重之諸子姪松藩副戎鄧隆太學生質甫諸生清侯皆能文士一時稱賢者敬公爲執友遵化副憲亦存淮安郡丞木夫皆從游在弟子列公之見重於李氏者如此生平論文甚刻不輕許與人其爲文亦甚刻終日構思不輕就草亦不輕示人一字求合繩墨而後止屢試于闈不售性方執居恒或靜坐一室或獨步於庭若有思者終不發一語疾

蘄州志

卷十 藝文

五

惡若讐雖一時聞人與公居同里而非意所許終絕之弗與交獨於李氏世締交卒罔間李之前輩既從事宦游其繼起諸子弟咸爲公是托公悉與成就蕩逸則規正之禍患則周旋之以故其後隆隆多振拔竿墜厥聲繫公力也萬曆之丙辰時公年四十四年矣忽憶童時謠語與繼先大父暨先人謀曰江中石磯於吾里最近雖建有亭而基甚卑隘永盛時輒汎沒矣舟往來多犯患形家言若增築而建傑閣鎮之祀文昌其上不特舟行獲利濟辨方厥位當巽巽居坎上於卦爲渙渙而成

文於學宮之盛最裨益吾與若其請諸當事圖肇茲盛
舉也時新安吳公治兵於斬多善政躬請相度慨然捐
貲築磯建閣董是役悉委公暨紘先人不數月而底成
巋然巨觀矣於閣之外仍翼以亭存吳明卿先生浮玉
故蹟又置田以饒士之貧者吳公既遷秩行而豪者肆
侵毒公以力爭至今守勿替公雖從貴介游生平取予
無所苟其貲產固不豐而於閣之建及紘先人不惜爲
傾儲助公又獨倡建報功祠以專祀吳公而請大宗伯
李公本寧爲記斬之得雋者至今猶盛悉歸德公暨紘

先人兼信公兒時謠語爲不偶也公卒於崇禎之乙亥
八月時年六十有三喪具悉紘先人及紘爲之理葬諸
兩湖之濱其先墓旁越數年而其配王氏亦卒其撫子
亦不能守產蕩盡逮癸未之春斬城墮且斬然並絕矣
紘既悉公生平而懼其久而遂湮也爲之傳俾後人知
文閣之建所自始

贊曰迹公生平然諾不侵擇地而蹈不過獨行君子耳
嚮使獲大用於時其侃然執正所守無不立所爲無不
成雖古大臣風烈何以加茲而設施僅試諸鄉邑之近

惜也聞之君子務其遠且大者庸一時建締利及後人固不謂遠且大耶

原任口北道李公客天嫡配朱宜人墓誌銘

郡人盧綰江南大叅

宜人姓朱氏明萬曆己未進士分巡口北副憲李公諱樹初之嫡配荆藩都梁王孫朱公諱翊鏃之家女宜人

蘄州志

卷十 藝文

夫

文士頗負知人鑑無貴賤作等夷觀以故李公本故家子幼失資生而甚有文譽朱公深器之遂以宜人許贅構軒名退腹館諸室蓋心識李公異日之必達矣宜人性淡朴時諸親里爭以靡相耀視之泊如耳兼勤女紅伴夫子讀每至夜分不倦李公亦甚重宜人誼益加勉朱公每從夜飲歸聞讀書聲兼窺其女之篝燈刺繡不輟手愈嘉歎援制得請公君資歲餼以佐弗給自是家計亦稍稍裕生子二李公始携宜人歸奉繼姑侯恭人罔間定省禮倍其清苦躬治經績無異初終也李公二弟性悍悖遇兄無禮李公能以和順消其逆封公遺產悉讓弟無所取宜人調和力居多焉宜人以貴冑女性

純孝柔順勤朴曾無異單寒即求之公族亦不數數見也。行年二十有九以疾卒葬于竹林湖祖塋後山宜人。卒後之四年李公方舉進士第先是李公以農部員外郎贈宜人及任副憲例應贈恭人李公以身若妻荷錫三章而生父母未榮一命中闕如爲疏請移贈生父母報曰可抑成宜人志也宜人人生某年月日卒某年月日生子長某次某並附諸誌而繫以銘。

銘曰唯彼貞良幽宅是安雨湖之濱秀聚而完封植從約非美厥觀本焉斯培支也云繁。

蘄州志

卷十

藝文

七

蘄州盧府君家傳

虞山錢謙益

宗伯學士

府君諱如鼎字呂侯楚之蘄州人也家世自吳徙楚父南槐公諱楷以篤學厲行起家府君少穎異讀書倍文落筆驚動長老南槐公築館於濠上穿池植竹養魚籠鳥疎窓綈几叢書其間招邀郡國僑異偕府君橫經鼓篋弱冠入黌宮每試輒冠曹偶演迤闕肆大放厥辭多不利於省闈間一得嘗復報罷二子絃綬稍長熊熊然角發憤下帷窮經課子四書尚書皆手註箋解文義如禾科斷如斗四方學者爭來問業解匡願而折鹿角無

不厭志而去貧不具束脩者假館授餐所居成市廛黃之間推爲大師崇禎丙子歲絃鵲起舉於鄉府君歎曰吾老矣安能塗青鉛墨與小子輩角逐研削間自此息機摧撞絕意進取矣府君生平篤孝南槐公性嚴重多所譙訶府君白髮垂領扶服呼暑如兒子狀居二母喪哀慟見骨一如喪父時分財產悉推長兄撫兄子如已子同仁均愛言家風者歸焉府君爲人忠厚正直規言矩行不苟訾笑不好徵逐裒衣大帶出入邑屋有風肅然如出衣袂中鄉人有爭訟者不之官而之盧氏片

言觴解若奉神符寶印其爲鄉里傾信如此癸未春寇自廣濟乘夜襲斬府君被執賊中有識者曰彼善人也縱之去寇退集里中人分布關隘爲死守計府君守南城督守陴人殊死戰寇少却隳他城樓肉薄而入從後剗刃遂及於難府君之卒也子姪從孫及諸婦死難者八九人閱數日淑人羅氏獲府君屍於江崖焚而殮之越五月縉自公車歸陳闔門殉節狀泣血控訴所司具疏請旌表未及上而有甲申之難丙戌冬縉卜葬於土門珠樹林己丑中進士第由邑令屢擢藩臬廉辨肅給

蔚有公望凡三報最覃恩贈府君自文林郎三命至
中大夫壬寅歲奉 命首糧蘇松建節海虞具府君行
狀謁舊史氏謙益俾爲立傳狀稱府君晚年燕居里民
詹某暴卒而蘇踵門搏頽稱謝怪而問之曰某疾亟見
鬼卒勾攝追至閻羅王所王命曰汝文籍惡業少筭未
盡里中有正直人盧某得渠保任方釋汝鬼卒押赴公
門聲啞於庭執公帖子還報乃得蘇公知之乎府君笑
曰有是哉汝自當活耳於我何有里人傳語曰勿慢盧
公渠能於閻羅王所作保人也舊史氏曰盧府君恂恂

儒者白首一經歛容握衣叱聲不及犬馬一旦身擐甲
胄嬰城抗賊身無一命之寄而受橫死原野之慘非其
平居讀書通曉經術講求忠孝大節而能致命遂志之
若是乎里人入冥之事或以爲荒誕不可信明有禮樂
幽有鬼神先儒有言昭布森列焉可誣也閻羅王爲地
下主者人世正人君子聰明正直精靈不泯死後多膺
此任彼稱盧公正直人也神者先告之矣丹心耿耿血
化爲碧沒爲神明又何疑乎公有令子珪璋特達先河
後海歸本前修昭垂琬琰夫何待於余言余特舉其誠

心質行感格幽冥者附著於家傳聳善抑惡著之春秋亦楚史之所有事也史臣失官越在草莽史失求野聊比於負竿採樵之言後之君子或有取于斯也夫

盧氏二烈婦傳

虞山錢謙益 牧齋

蘄州盧使君叙其先公禦寇殉難之事曰公之歿也次子諸生綬綬子晨初從子紳從孫震初皆被虜死而綬妻楊氏震初妻袁氏死尤烈楊氏諸生榜女母朱部梁宗室女也癸未正月廿六日蘄城陷楊偕其母及老婢許氏陷賊擄至北門趙州關楊有娠賊欲負之走楊曰

蘄州志

卷十 藝文

三

姑待我不能行乃負我賊沿途縱火趣行及火陷處攜母手躍入火中賊歎息去老婢守之移日楊頭目猶未焚已免身矣男也越數日語家人往跡之不復頭目所在矣袁氏諸生嶼第三女也城陷震初與其父紳俱被執袁氏拜辭祖舅姑姪氏抱周歲兒天喜投井死明日賊退家人具衣棺瘞之甲申秋棺毀於狐搯敝衣幃如面奕奕有生氣葬於迎山先人之墓而震初卒未知死所絃自公車歸敘次先公死事并列二婦慘死狀所司將以旌典上請會國難而不上絃聞之烏頭漆書表厥

宅里國典也區明公烈昭垂頌圖史職也國典不可作
矣夫子舊史官也不可使二婦遺烈泯沒于土中敢固
以請謙益老不能文有使君之惇史在謹撮而錄之不
敢溢一言舊史氏曰兵興以來干戈蹂躪閨門婦孺捐
軀棄骨死而無聞者多矣甲午夏五月楚女子被擄投
漢江死其屍逆流而上湘南人援對如生有詩十首以
素帕縛左臂傳至白下乳山道士林古度拜而錄之然
卒不知此女何姓氏也今楊袁二烈藉使君以有聞於
世其視漢女亦有幸不幸哉往余承乏外制烈婦孝女
與被愍綸者必鄭重其辭以光昭盛世旌門之典今史
局失官衰羣載筆於蘄漢節烈之事牽連書之猶前志
也後有傳烈女者愍余之志無使其無傳焉或曰楊之
母朱借以火死稱宗女矣稱三烈可也

贈中大夫盧公傳

平陰朱鼎延

盧公者吾東郡守盧公紘之父也上世自吳徙楚居蘄
州世醇謹至 贈中大夫南槐公始厲學有遠志公其
次子也諱如鼎字呂侯母宋淑人生公五歲而華世
母李淑人撫如已子公穎異幼不好弄受書日記

言總角入黌宮名噪諸生間南槐公爲築館于濠上雜
花竹木石池魚籠鳥以助文思復延郡國英雋切劘砥
礪每試輒冠軍屈其儕數就棘圍幾售者一竟不售課
二子絃綬窮經下帷日夜不輟經書皆手註詮解繕寫
成帙多發宋儒所未發四方學者負笈而從執經問字
者鱗集戶外之屨滿焉貧不能具束脩者假館授餐指
畫文詞皆有法度蘄黃之間推爲大師絃以丙子舉於
鄉公喜曰吾以身貴何如以子貴我顛毛種種安能僕
僕與汗血爭馳耶遂絕意進取治古文詞及四聲咏好

讀莊蘇諸詩文月夕花晨探蔬烹茗延二三知己談說
平生爲樂公至性孝友不問生產南槐公性嚴重多所
譙訶公怡色下氣輒爲霽顏執繼毋喪如喪南槐公分
財產推讓長兄取其硯薄撫兄子如己子正直端方不
苟訾笑喜振人之急里中年少使氣爭角公片言心折
各冰釋去歲祲疫病者藥之死者瘞之飢餓者賑之所
全活甚衆有治彤家術者云江中有石磯若增壘式廓
建闕祀文昌於蘄文風大盛公首爲倡力請當事如其
請蘄人士鵲起魏科蠟聯絡繹公之明德遠矣里中

某久病忽起踵門謝公曰某被鬼卒勾攝見閻羅王
命以汝藉惡少筭未盡其正直盧某所取保即釋汝鬼
卒攝至公門蒙公發簡即蘇公謝不知其自癸未春寇
自廣濟乘夜襲斬公被執寇有識公者曰彼善人也釋
去時公之子姪從孫及諸婦死難者八九人寇退公集
里中人分布關險爲死守計公守南城寇分道突至督
守陴人殊死戰寇少却他關險爲賊破從後剽刃遂及
于難閱數日淑人羅氏獲公屍於江崖焚而殮之越五
月紘以公車歸陳闔門死節狀泣控所司具疏請旌表

蕪州志

卷十

藝文

五

未及上而有甲申之難丙戌冬紘卜葬于土門珠樹林
已丑紘舉進士初筮吾東新泰令廉幹內擢以忤時出
爲桂林丞至己亥而來守東昌建文場修學宮嚴一介
之操清積年之弊良法美政不可枚舉余附同籍而庇
宇下歎服不容口以爲漢之潁川渤海庶几方之政暇
過從退然如不勝衣談及先世泫然流涕今奉

命督糧蘇松膺三命恩寵三世贈公中大夫具行狀俾
爲公立傳讀之而始知太守之清勤服官水木本源其
來有自余雖不文而喜談忠孝節義謹撮其大要而質

言之

論曰余觀盧公醇謹方直履規蹈矩白首一經誦讀不厭一恂恂儒生耳遇國家大難嬰城為守執干戈以衛社稷暴骨原野不避焉即馬革裹屍何以過茲假令致身通顯為國家守疆場出幼學之蘊其垂勲竹帛勒銘鼎石豈足道哉惜也不得志而抑鬱齋志以歿然片言取裁鄉里仰重為德于鄉即鬼神猶欽之傳曰不於其身在其子孫公教子以成名而廉潔不滓世忠孝節義之傳而張大之為當世名人嗚呼足以不朽矣

蘄州志

卷十 藝文

共

盧氏

二烈婦傳

平陰朱鼎延

少學司空

蘄州盧

公綏敘其先大夫呂侯公禦寇殉難之狀曰

沒也盧

氏男婦死者凡九人綏弟諸生綏妻楊氏從姪

諸生震

初婦袁氏二婦死尤烈請並為傳按狀楊氏諸

生榜女

母朱都梁宗室女也綏恂謹讀書外一無所營

楊以紡

織佐膏楮費事舅姑惟謹癸未賊破蘄城楊同

母及老

婢許氏被擄至北門趙州關楊有娠不能行賊

欲負之

走賊沿途縱火趣行楊義不受辱詒之曰且行

不能行

乃負我遂携母于同投火中賊歎息去老婢為

賊所棄守之移日楊頭目猶未焚娠爲墮男也越數日始歸語家人往跡之不復頭目所在矣袁氏諸生嶼第三女適震初生女二子一甫週歲震初姿韶雋善屬文袁相敬如賓癸未城破震初與其父紳俱被執袁度不能免先拜辭祖舅姑暨其姑夏氏遂抱其週歲子天喜投井內賊退家人具衣棺殮之并子置屍傍掩諸宅後山阜甲申秋棺毀於狐搯敝衣猶在袁與子面如生葬於迎山先人墓次而震初卒未知死所絃自公車歸具先公并二烈婦死狀泣控所司將以旌典上請值國難

閣未行絃奉

命督糧蘇松乃緝其狀以質于魯生不敢溢一詞而撮其要爲傳

論曰昔文王化行南國江漢遊女以禮自守形於咏歌此平居時耳若遇患難而義不受污一死鴻毛亦足多矣乃若揚已不能脫而生慧智以詒賊焚身自全袁已分必死而猶盡禮拜謁投井見志從容就義視死如歸卽烈丈夫不少槩見何乃出了閨閣一門而若是烈也此其志可以貫金石而與日月爭光余故表之以備修

國乘者採焉

贈 中大夫呂侯盧公傳

梁谿高世泰 楚督學

康熙癸卯之臘余以孱廢遭時僇辱抱嘆剝廬乃

督運使君盧大夫干旄賁止爲按訪斬春舊誌因督責余
昔年三楚文獻錄何以無成也越翼日大夫復手書來
示余以太公殉難之狀屬立之傳嗟乎昔在壬午楚闢
將竣余廣延茂士肩濂溪書院悉發楚書摘纂楚錄與
楚人論楚事余不敢叅焉稿具於壬午季冬余隨以病
劇乞骸攜之歸豈知余行之後楚旤日棘慘變日聞忠

蕪州志

卷十 藝文

廿

孝義烈奇駭之事日積余睠焉西望愧恨不以身從而
欲泚筆舊稿艸艸拾太平遺事以受成茲錄也心痛如
刺其能忍乎茲鄭重以大夫之命迫以仁人孝子之思
爲補作呂侯盧公傳

公初諱時傑字典之後改諱如鼎字呂侯先世自吳遷
楚之梅川後以占衛籍遷蕪傳五世而及公父南槐公
諱楷以力學聞于鄉子弟師事之青其衿者滿堂矣公
承家學蚤隸庠試多冠軍益攻苦成疾南槐公乃營家
上館如桐川之椰浪竹里以居公公讀書靜觀悠然

得與名雋晤對終日無一妄語亦不親杯鐺不習雜技
匠心著述菁藻蔚然歷受知于華亭董公玄宰太倉王
公護雲常熟瞿公達觀而省試幾雋復蹶公付之數竒
視轟隱交路淡如也南槐公歿公以家人生產付賢內
助仍居濠上館問業者日進聞風望塵莫不歎仰後移
館于宅後之雋石居兼訓子姪編纂彌新詩文曠逸得
之莊寥大蘇爲多丙子長公發賢書家聲且振無意復
着麻鞋待至公而游戲風簷驚人五色則余猶幸遇公
於一日者也辛巳楚地大菑民饑公傾困勉賑竊者

蕪州志

卷十 藝文

芑

甦之亡者樸之瘞之鄉里多仰空加頌曰降之百祥匪
公而誰乃不意即有癸未二月殉難之事先是正月中
左鎮兵沿江焚掠各路防禦盡潰獻賊從廣濟襲蘄蘄
城陷公次子諸生綬及姪諸生紳姪孫諸生震初幼孫
晨初俱被擄死綬妻楊氏從母死于火震初妻袁氏抱
子死于井公亦被執賊且釋之賊退公集里人倡義登
陴守烟光樓二月賊分道攻蘄甚急公率里人殊死戰
賊亦少卻復捨此它攻從後突殺公遂死于難越數日
羅淑人率僕號呼江畔而得公屍時長公以公車北上

阻兵越五月始從間道歸歸而痛不欲生可知已稍甦以闔門殉難狀控諸郡守兩院暨代余爲學使者堵公牧遊皆許彙題以表義烈值甲申之變遂寢不行天佑生靈鍾祥詰嗣廉明仁敏到處流膏公以使君報最已繫命至 中大夫楚之士大夫亦以論定請祀公於鄉嚮之仰空加頌者庶可快然乎公生平事嚴重之父曲至承歡居二母喪哀毀若一克恭讓產撫姪如子忠信孚於遠邇不啻季路一諾彥方居里其敦倫植節有素至于舍生取義慷慨從容益以見公之遂志矣斬人曾

蘄州志

卷十

藝文

四

有久病忽起者叩謝公謂冥府中觀公保而某復延筭君子懍懍敬聽默而存之思其所以然而可也

舊楚學臣曰蘄黃間奸宄纒索縱橫荼毒不下數載癸未正月蘄州之破實繇本城內奸某某者與叛將楊文富逞逆謀通竄兵勾賊夜襲城燔舊宮而去爾時汝寧方破惠襄唐三藩播越賊猶乘倏忽去來之勢故盧門家口雖被屠戮而盧公義不反顧猶得持矛操闔戟同仇賢首至于二月則襄荆承德相繼陷沒封疆大吏皆以身殉長江以北無地非賊蘄誰與守此爲公授命之

辰緩則賊示安民賊官張布賊令開考公寧能與共天
日也哉始捍大患終死勤事祀典並崇公乃兼有至于
今烟光百丈上有神人端拱雲頭者非公也耶侍衛環
列者非同公死難之家人也耶忠孝節義出于一門顯
於一時與一事生雖痛玉石之焚沒並返星辰之位俎
豆斯榮千秋是仰於戲大夫顯親揚名之孝景且燦矣
第不知我公而外以艸壘殉國臨難毋苟免而湮沒無
聞者不尚有人乎與城俱亡者身也不與身俱亡者義
也語有之城亡矣身亡矣國亡矣而義斯存大夫推錫

蘄州志

卷十

藝文

聖

類而遞彰之所以表義也非徒曰幽明之慰而已也

中大夫盧公神道碑銘

婁東吳儁業

大司成

丙子歲偉業被命偕給諫萊陽宋公九青典校湖廣鄉
試時中原已憂寇盛彌漫豫楚之交流氛四出羽檄交
道謬以一介虔奉簡書揚旌馳驟巖疆轉徙金華幸得
畢使以鉛黃甲乙多士鎖院三試所弋獲皆為俊民而
蘄州盧大夫縉在選徹棘捧雉來謁翽翽然君子人也
既而詢知其家世以儒業發聞尊人呂侯公經行學學
為儒林長德余嘉其學有淵源稱歎者久之迄今兩閱

星終而大夫來爲叅藩董儲侍於茲土一再過存具臣
侯公素履及奉諱始末以視泣而請曰先生生平好古
篤行阨於時數潛德弗耀重以寇禍滔天毒流方嶽闔
門抗節竟殞非命孤每念此日夜悼心今幸蒙恩

聖朝榮施泉壤告第納書秩登三品於令得樹碣隧道以
紀休昭烈而徵辭摩勒尚埃載筆惟夫子辱知最深又
前職記注若不鄙而賜之光闡孤實假寵以報所天微
直成我而已敢固以請余衰繭不仕脂澤之言何足爲
公增重顧念公積學純行法宜備書其死事一節尤奇

蘄州志

卷十

藝文

聖

且處大夫父子間契分特厚采錄懿媿傳信惇史固其
所也容敢以不文辭謹掇大夫自狀與虞山錢先生所
爲傳而繫之左方公姓盧氏諱如鼎呂侯其字其先吳
人遷楚之梅川勝國永樂間始占籍於蘄四世而爲南
槐公諱楷卽公之考也用孫貴 贈中大夫妣宋氏繼
李氏皆贈淑人公生而奇穎承傳家學卅歲屬文有聲
南槐公義方甚嚴營丙舍於濠上引泉植竹疎窗閒觀
以爲公肄業之所延里中少俊讀書談藝其中公挾冊
吟諷鞠嘯究明不問家人生產淵涵停滯需爲文辭弱

冠游博士宮頻受知督學使者試輒雄其儕伍數踏省門不售中間危得之而更抑置人皆爲搯擊公一意修學著書以造進後昆爲已任抗顏家塾說經鏗鏗疏疑釋難教施如雨至者虛往實歸充然意得去由是負笈雲集江黃間推爲大師嘗手箋尚書四子書科別同異丹粉狼藉成就子若從子多列鴻生峻儒比大夫以丙子名薦書英譽鵠起公遂撞絃息機不復事榮進爲人厚重質直不苟訾笑服勤孝弟內行脩勅南槐公治家嚴公應唯伺顏色惟謹少有不懌或形譙讓彌益蹙躅

蘄州志

卷十 藝文

聖

起敬執內外喪毀瘠踰禮分財產能適長兄田廬取湫萊者僮奴取羸拙者撫兄子如已子同仁均愛有鳴鳩之心辛巳凶札橫道多殪公倒困賑贍視致鑿藥宗黨卒倚以全閭閻有爭相率就公平決片言折衷愧屈過於要質其爲時所信嚮如此異時鄉里子弟不悅學公用彤家言請於當事增壘江中石磯閣祠梓潼神其上埤助文風自此雋兩闡者蟬聯不絕蘄人士至今頌德焉公之卒也剽寇自廣濟乘夜襲蘄公被執賊中有識者曰彼善士縱諸寇退舍公勒習里中人分布關隘爲

死守計自守南城寇盡銳來攻公督勵守陣殊死鬪賊垂却而他樓堞隳從公後肉薄而入刃及于背公拒不及遂遇害時癸未春也子姪從孫及諸婦楊氏袁氏同時死者八九人嗟乎自盜起中原生靈塗地大城名藩相繼陷沒其間義夫淑媛就燬塵而不稱者何限而堂堂身都將相擁強兵收伯正長覆師失守委而去之色甚安者多矣公進趨退怯眇然儒者又老困咕嗶未登仕版無預封略人民之任而能臨難賈勇授兵登陣力屈則鉞交胸腹橫屍原野而不惜可不謂識取舍烈士

新州志

卷十 藝文

四

夫乎况於雞斯弱質聲不出捆赴蹈如歸者成羣乎公生萬曆戊寅四月下距癸未壽六十有八娶淑人羅氏生男子二長卽大夫紘次紱公卒後三日羅淑人屍於江澚焚而殮之五閏月大夫歸自公車以殉節狀鳴於所司將拜章請旌未及上會改物而止丙戌冬大夫卜新阡葬公土門珠樹林己丑第進士由邑令累官藩臬廉辨肅給善政流聞儿三報最推恩得贈公自文林郎三命至 中大夫壬寅歲

今上紀元之載奉

命督糧蘇松而俾余書其隧道之石公可謂有子矣雖不
獲光顯其身而洵受哀榮於後天之報忠義不爲無意
也在祀死寇之士旌之曰兵戰於郎童汪錡死魯人欲
勿殤子曰能執干戈以衛社稷雖欲勿殤也不亦可乎
如公精忠大節有光册書無疑也昔魯共姬待火而殤
春秋賢之書曰宋災伯姬卒盧氏貞姬競烈玉碎不汚
會何愧焉余不揣固陋採摭遺芳牽聯書之比於春秋
禮傳之義以詔來者狀又稱公邑子暴卒攝至冥途冥
王命屬盧某保任而後釋歸正直之人鬼神所欽有是

蕪州志

卷十 藝文

哉事涉恍惚故從附見然世所喜傳者在此司亦莫得
而略也銘曰

卓哉盧公儒宗文師幼閑庭訓悅禮停詩法律繩已名
教夙資喘濟道真克昌厥嗣進思經世有物隘之退淑
諸徒南面臯比敷陳聖謨牛毛繭絲疏理滯碍如結得
鱗蹙蹙媚學陶鑄靡遺方領矩步好仁樂施閭里質成
彥方愧知運鍾百六天狼失維巨寇狂獠帕首未省羣
飛海水潰隄莫楮若火燎原撲滅詎期祝融郊甸魚鱗
則悲我公屏者武奮熊羆部勒壯士率用姑鉢

鐔環用登陣戈衝賊喉日金從殺城百級三板突勇
戰鼓不揚渠門火旗身膏草野剝腹折頤志均馬革義
逐死綏媿媿彼妹頰爾自持酒泉雀惜視耳如飴號無
茅經哀動出諱一門忠烈前行後隨似川山浦啓佑本
支魏科游涉

熙朝羽儀位崇岳牧絳節金龜禮備哀榮鸞音紫綬旌
幢祭鼓邦委來尸停驂訪舊南史是容徵之篆刻徽懿
昭垂佳城鬱懋夙豐碑松楸馬鬣傳信在斯於千萬
世式瞻慕思

蕪州志

卷十 藝文

四

盧氏二烈贊 并序

莫東吳傳業 大司

蕪州盧大夫以其先公殉難始末來告命余文其墜道
之石而及弟姪諸婦之從死者因得摩聯書之亦既聞
見於余文矣顧惟楊袁二婦死狀尤烈不可以莫之評
也今按大夫之言楊氏爲諸生盧綏妻袁氏則諸生盧
震初室綏卽大夫之母弟震初其從昆弟之子也楊氏
父曰諸生楊榜毋朱都梁宗室女癸未正月廿六日蕪
城陷賊執綏暨其子晨初令負擔級度不得脫瀟泣拜
辭毋羅淑人去竟絕莫知所終楊與毋并老婢許氏偕

陷賊略至北門趙州關楊方在服賊欲負之走楊給曰
願少舒比我不能行而後負我賊緣道焚火驅脅行值
焰熾處楊牽母腕躍入火中自燒死賊嘆息去老婢守
之移日楊頭目猶未盡已墮重矣審視男也後數日語
家人往跡之不復得頭目所在矣袁氏諸生袁嶼第三
女城陷震初父紳與子俱被執袁度不免拜辭祖舅姑
及姑爨氏抱周歲兒曰天喜赴井死明日賊退家人具
棺木瘞之甲申秋棺爲狸貉所搯和門見袁母子面如
生敝襦飾身訖不甚毀改窆於迎山先墓而震初卒未

知死所世稱質柔而易奪者莫婦女若也一旦遇變倉
卒犯白刃蹈爐炭斷死於前而不反顧有烈丈夫之所
不克爲者何歟古者男有教女亦有教功事則閑姆傳
之訓行步則協珮環之節所以豫遠燕私而養成其貞
一盧氏二婦內外宗雖皆名家見聞薰習通知禮義然
生於閭閻非夙有師氏詔之女史書之也非其芳潔得
之天性能引決自奮如此歟昔人題清風嶺詩褒譏至
召福譴五代時王凝妻李氏逆旅斷臂歐陽史表而出
之以厲世愧俗矧如楊袁駢首捐糜一門爭烈嗚呼可

書也已業也不文舊塵詞館以記注為職敢因大夫之傳信而僭為載筆若此伸司彤管者尚有考焉且為贊詞六章以旌之其文曰

厥初生人取則二儀坤貞應健作配無虧曰惟婦德直

信是基豈緊婉嫵迥果寔宜孰云繩笄不敵須眉一章

有美楊袁並出華宗來嬪盧室盥饋克從芳徽蘭秘鳳

鳴和離宗周俄隕邁此鞠凶滔天作孽張燕樊崇二章

蕙帳珠簾一朝委地齊姜宋子化為顛顛皎哉季辛不

汗賊臂投軀鬱攸燎原罔悸祝融回祿扶輪擁篲墮殞

蘄州志

卷十 藝文

哭

得雄燼餘猶視三章感涕寒泉甕甃圍圍褰裳距躍子

母同歸清冷濯身彭咸爰依泥而不滓珠沈澤輝喜選

英皇耻從宓妃四章宋有其姬待火灼爛今也則楊神

耀司燿楚有貞姜漸臺流渙袁踵其武畢命并幹豈無

邦媛偷生術術曷不顧懷爾顏泚汗五章凡此義烈壯

夫弗如人綱人紀永賴儲胥彤管朱煒逝登載書外史

作頌徵信匪譽綽楔榮旌佇光素閣六章

蘄州盧氏祠堂記

婁東胡周彝 給諫

祠廟之設所以表心彰徽也其採自前軒請自禮官載

在祀典者夏矣若乃闔門蹈節投袂爭死疾風險塗忠
勁挺出良亦澡身勵行贍族敦倫而教之家者素也雖
廟食有待而就塋爲祠俎豆莘莘暖存芳烈嗟乎此仁
孝之心所憑焉耳大叅澹巖盧公轉運江南公餘枉駕
弊廬手執家傳泣而示藁曰曩昔癸未寇薄蘄城先人
以書生登陴九拒城陷及難子姪從孫暨諸婦死者八
九人所司狀請烏頭雙闕之旌會園方改革不果行歸
骨窮泉拱木將積紘幸成進士歷藩牧三被

馳恩封祖父如已官榮貫黃墟叩心通感今碣于陰碑于

蘄州志

卷十 藝文

七

陽者皆有文矣惟茲三楹之堂仰奉靈衣悲纏祠樹將
偕吾族人于時思敬于時思哀也子其記之藁稽盧氏
其先自吳徙楚累葉風素公大父南槐公父呂侯公礮
磨文行益布家聲南槐公置館解榻結交羣英傳經誠
家備有程鑿呂侯公才峯迅驅龍拏鳳時每試輒空流
輩潦倒場屋四十年負才竚竚不少衰談經龜觚辨若
决溜所摘剔詮解精穿溟津學者受讀比名金海當是
時生徒僣僣祛衣僦屋附近朱藍經師人師不減西河
南學盧氏子弟肄業序知名者二十餘人大叅丙子雋

楚闈公喜硯耕有人遂謝鉛槧然益爲德官冥楚恩不
報薰風飴露惠浸萌生而規言矩步盡日不齟簡鏡平
端專以誠長者待物里人有嫉介郟輒愧曰吾懼不可
以見盧公方巨寇突陷斬春殺人如麻神奔鬼遁盧諸
生曰綬曰紳曰震初曰晨初罵賊求死綬妻楊氏震初
妻袁氏投軀烈燄浪井中時呂侯公亦被執賊中有呼
善人者竟舍去昔盧植不殺歸隱名山公一白髮儒生
手不能搏乳犬旣得不死宜蹈地自全顧乃嬰城覆沒
終膏鋒刃若義有不得死者一門爲烈蓋天性然也

蕪州志

卷十

藝文

辛

始大叅以公車留滯幸脫氛祲收拾靈骸重加槨櫛青
楸立冢碑銘儼然頊之敷歷高華淳膺

綸誥賁及夜臺榮哀之道亦畧盡矣而永言孝思猶欲寄
之乎盤盂杯按也卜爽闔地構祠棲主俾登斯堂者拜
而感曰某也忠某也孝某也貞某也烈魂魄常依焄蒿
如在且使過其祠者憑而弔曰此盧氏一門節義之祠
堂也豈不足風示嚮往哉或曰盧之先有盧遨盧生者
其人皆仙去嵩山鴻一萸澗協昭之徒千古稱大隱君
子焉呂侯先生繚蕭疎寬然長德而名動琰羅自其

生年靈福及鬼又何奇異也聰明正直者神其初或感
言雷氣生精或名在斗中口下宿真既殊而又有清修
隱行爲天神欽重者故能取義成仁血碧泉霜而氣還
箕尾然其精意所屬期于利人而已詩曰神之聽之好
是正直班固迺謂楚風重祀謬矣

二烈贊

婁東胡周葬給諫

二烈者蘄州諸生盧紱妻楊氏盧震初妻袁氏也毓
自儒門作配才彥若榮蕙穆黷面不咒桃花椒閉蘭
蒸舍胎恰齋菟薙解衣裝以供腴洗軋機杼而佐燈

蘄州志

卷十 藝文

五

膏足跡未出廳屏春閨何知霜雪亡何逆寇豨突勃
旅茅靡嶽坼天吡神焦鬼爛楊也被脅給賊前行躍
赴飛火身燔娘墮袁也度不免泣拜舅姑抱周歲兒
同投古井嗟乎執爨提甕婦職也今乃蹈水火以蹈
仁哉滄芳芷于腐井燼真玉于炎岡其後也有情烈
焰招魂僅剪紙幡無恙靈泉纖垢未沾鴉襪劉覽女
史能得幾人贊曰

玉臺金沙靈氣縹緲萌芒葵精清資雙矯妖氛橫干黃
推魚擾溫尸靈骸盡出不少死則死耳死法未下誰化

紫烟騰衝秋杳誰鑿止水瀆鴻深窈風烈雲踊泉香月皎乃如之人彫管師表

楚靳盧呂侯先生哀辭

有引

毘陵薛采

豫楚間流氛縱橫不自質日視而心傷之時猶今滄巖使君初升青日也未幾督撫互譏浸淫熾盛至盛德格鬼神言行爲師表若使君尊人呂侯先生者初以善人被賊醜後竟以登陴及難異日之膺旌膺贈于先生向加而海內聞其事而咨嗟者亦可謂生榮而死哀矣敢繼石渠舊史後而呈以哀辭

蘄州志

卷十 藝文

呈

何關中之梟獍兮紛來集吾楚國刈芳蘭而戕辛夷兮殞斬黃之懿德荷呂侯之好脩兮分珮璫而奇服爲閭里之精橫兮稟孔曾之正則課二子以成名兮孝友根乎庭殖業有聲于膠庠兮澹不慕夫紛華其閉門而著書兮傲一編乎六珈何丘壑之莫保兮幾淪信信其磨牙誓勿驚我彥方兮旋白刃之橫加幸長公之騰翥兮能疾呼而鳴公之節義流吾吳以徵詞兮有石渠舊史之纒纒予雖豫楚之罪吏兮未敢數乎焚常聊以楮楮之瑣林兮妄自附于虹梁

盧氏楊袁二烈婦哀辭

有引

昆陵薛家

呂侯先生之難次子諸生紱從子紳紱之子晨初紳
之子震初皆被擄死而紱妻楊氏震初妻袁氏死尤
烈當楊被擄方有娠賊欲負之走紱曰姑待我不能
行乃負我賊沿途縱火火陷處携母手躍入火中袁
氏諸生與女震初與父紳被執袁拜辭祖姑夏氏抱
周歲兒投井死錢太史于呂侯傳後別爲二烈傳故
不肖亦遵澹巖使君命申太史之指而爲哀辭

猗一媛之芳烈兮斯不愧乎女君一入火而一入水兮

蘄州志

卷十

藝文

五

水火磅礴而蒸雲排闥闔以訴 帝庭兮哀我盧氏之
失羣吾舅氏與蹇修之真正兮風訓戒以幽芬倘臨難
而貪生兮爲傷鵠之所要內何以對我姑嫜兮上何以
格于重霄羌瀟湘之楓丹兮將遣巫娥而東招其九死
一以保節兮奚碎玉之不可綴菲箋以告我使君兮歲蕤
于江左

四照堂文集序

錢謙益

古今論文者取則於陸平原之文賦其所謂體有萬殊
物無一量辭程才以效伎意司契而爲匠者已苞舉文

章之能事而後區分其體自詩賦以迄於銘說列爲十
科其意曰文以萬變爲極意以寸心爲匠用以爲詩則
爲緣情綺靡用以爲賦則爲體物瀏亮云耳故申言之
曰其爲物也多姿其爲體也屢遷譬音聲之遞代若五
色之相宣此文章之準的所謂造車合轍者也今之爲
文者鈎章棘句儷花鬪葉雖其辭條文律剡日鉢心選
義按部考辭就班而其於扶質立幹泐波討源之指要
固已邈然河漢矣傳曰氣以足志文以足言志不足而
求之氣氣不足而求之言理不足以立幹情不足以扶

質於是乎鞏帨滋工榛楛勿翦文體日備而萎敗剽賊
之風相挺而作勢使然也吾讀元度使君四照堂集攬
其體則文賦所列十門無所不備而又加以表策議序
等二十餘科若遊羣玉之府天球琬琰可鄰車而載也
如入五兵之庫刀斤削劍四出而愈不窮也已而息心
撫氣循覽而有得焉如登天門晞咸池罡風灑氣濛濛
焉在足下也如泛大海窮扶木珠宮貝闕噓吸涌現而
窮髮之北猶吾盤盂也當其爲賦也不知有詩當其爲
詩也不知有文當其爲記論諸文也不知有詩賦出乎

太微歸諸玄造若天吳罔象誠汨淚沛於筆端也若罔
車威弧拔刺矧嗑於紙上也徐而按之辭有條理有幹
州次部居披文相質或赴節以投袂或應茲而遣聲肅
肅乎長離拂羽而箕伯逐風也整整乎青瑯捷芝而素
威司鉏也士衡之賦所謂程才效伎司契爲匠者千秋
而下實獲我心豈不快哉昔者帝顓頊命火正黎爲司
地命曰祝融淳耀光明以啓南邦而楚人能讀墳典丘
索者有左史倚相申明春秋詩禮以傳太子者有申叔
時推本重黎受氏之初式昭火德有觀射父蓋祝融之

以光明啓南方者實以文章爲主而諸君子首先被焉
元度楚人也實鍾祝融之餘光以殿我南服而其爲學
則左史叔時射父之遺書與吾東魯之易象春秋照耀
於孔壁汲冢之餘者也傳有之先河而後海讀元度之
文者歸本於墳典詩書知楚學之所自始無忘先王所
以昭明南服之意斯世之學將奉以爲斗杓而趣歸於
東魯也其將自楚人始余竊有厚望焉然吾聞諸班氏
楚自屈原師弟子以騷賦顯名而漢初吳有嚴助朱買
臣貴顯中朝文辭竝發故世傳楚辭則楚人之辭至漢

而以吳人傳也今元度以使節蒞吳三吳清嘉鮮華之氣元度以其胸中雲夢吞而有之吳人輕心無有能當其前行者而余以黃髮遺叟歸老空門負苓采薪重辱下問猥以樸學枯毫誦述盛美吳人之不能有裨於楚視漢人有厚顏焉并書之於末簡以志余愧

修蘄州儒學廟序

顧景星

順治十一年 詔天下郡縣學廟兵火廢者有司能捐祿餼修建皆得疏聞命吏部紀錄十五年乙亥刑部丹陽楊公奉 璽書以按察司駐蘄右文轄武爲 天子

蘄州志

卷十 藝文

五

使越明年軍府城郭徭賦利病罔弗釐舉德導禮齊率先有司計所部郡縣之有學廟者凡四十有四而蘄則所駐邑故首修之州守遼陽王公仔厥任官茲土者咸出廩祿卿大夫士遊於是庠者醵貨力勦事而楊公以文屬景星按學與廟本二古有學無廟釋菜奠幣即於學漢太學闕里始立廟六朝仍之北齊令郡學立孔顏廟此郡有學廟之始唐武德初郡皆有廟未及縣貞觀中許敬宗奏天下州縣置三獻官他如立社開元三十七年詔諸州廟立十哲七十三賢位爵公侯伯有差朱

大中祥符二年設闕里學其後州縣莫不有學學皆有
廟然邊徼下邑多無之晚代衰亂庠序頽圯或學廢而
廟存而長吏之賢者因學序費鉅姑葺廟不去餼羊云
爾以故唐宋文士之碑記多言廟不言學明興學廟並
立嘉靖十年詔改大成殿曰孔子廟有殿有廡有堂有
齋有庫有閣有亭殿廡以祀聖賢閣以尊經庫以藏劔
籙琴瑟亭習升降麗牲體堂以講論齋以居教官及生
徒之來學者歷代禮儀至是釐正猗歟盛哉然而郡縣
學仍空名士鮮游習教官之權不若九品中正禮教不

蕪州志

卷十

藝文

七

行而士風大壞吁足悲矣兵火以來鞠爲茂草所謂空
名者又十不存五蕪之學舊有朱元晦乾道中教授廳
記洪武初知府左安善摸朱手書刻於壁錢敏王坦趙
應隆莊轍數公先後修之崇禎十六年正月庚辰賊燬
順治五年按察副使山西范公鳴珂始建殿九年曲周
王公顯築垣芟雜草萊物力艱窘材斃不固隨就摧缺
無廊廡堂齋今始議建之噫不其難哉雖然使邦邑無
賢蠻貊之鄉非廢廟而鴻都之門亦有學如其多賢則
杏壇之上不必宮牆綿蕞之間可當庭陛繇是言之德

教盛衰豈係是哉 天子右文楊公用答 天子

夫士宜用答公景星敬弁冊端以復

題吳道子先聖像贊

得自粵西桂林府庠重為鐫石

郡人盧

紘元度

恭如循牆端如執圭衣冠儼然劍佩委蛇溫玉之度時

鳳之儀望焉起敬就罔弗宜備元運太和之氣想燕居

獨立之時匠意已奪乎化工傳神逼肖乎鬚眉斯所為

可法而可傳庶幾乎欲贊而無辭

貞譽顧先生傳

郡人盧紘

元度

先生諱天錫字重光蘄理學世家而遠祖士徵者元斗

蘄州志

卷十

藝文

五

江路崑山州人元統間進士官蘄州路總管遂家于蘄

然譜序至今猶及崑族者不忘所始也高祖濂曾祖敦

累世簪纓至祖闕號桂岩暨伯祖問號日岩俱于明世

廟時先後成進士官游年甫逮強仕遂決意勇退清風

泊如家居惟務崇孝讓修明古訓獎進人群遠近爭師

服之咸稱理學二顧云先生為桂岩家孫年十四考別

駕少桂即見背其姊貞節嬪劉而早孀撫笄笄小弱弟

愛加篤以故先生雖幼失怙幸不患孤且逮侍大父桂

登公膝下朝夕薰磨純于理義周規折矩尺度罔愆自

十五治尚書十三治戴記十九治春秋涉獵文史學義
有成歲丙午華亭董文敏公督楚學先生以童子受知
遂名諫一時楚吳間莫不識有顧子重光而兼羨桂岩
公之有後者一時知名士俱托聲氣交不遠千里以古
學相倡和文壇選政必得先生片語爲折衷先生于制
舉業雖深肆力所著纍至千篇海內多傳誦然立意刮
磨時詁以暢解爲奇緣是見忤有司落落不得志頗寄
情詩酒放浪林泊間或拍挽伶歌悲來竟日又嘗載書
孤舫彌月不歸病下血輒斗許以故恒結方外遊癸亥

改國子生與曹公勳沈公常劉公同升數十名家結社
燕臺曰國門曰定因曰廣因學者傳誦所爲文輒見售
其門人貴顯步館局臺省者不乏人而先生終以數奇
不第祭酒朱公之俊寡許與惟張公公亮以真才先生
以真學見推熹廟時奄黨方熾先生負重名都人士走
如鶩乃爲杜戶謝者歲餘甲子鄉闈對策涉論奄寺主
司恐落其名先生坦然自得勿悔也癸酉幾售復置甲
戌客天津張氏丙子講禮河間保定兩郡弟子從遊者
數百人稱顧夫子著戴儼四卷盛傳于時以債分諸

選應得令不就上詔行徵辟時有以先生名聞者復固
辭丁丑決意歸里屏絕交遊時長君景星甫髫鬣負異
姿悉陳先世遺書相與蒐探辨究無寒暑每至夜分築
室于松園曰中心願取易中孚九二辭也先是甲戌乙
亥間流寇初渡河先生深切隱憂辛巳靳大旱疫壬午
謀避姑蘇不果癸未正月寇屠靳先生姊劉貞節以正
義感賊闔門得不死四月偕長君避亂九江荆世子迎
爲師先生代世子遺左帥書辭甚剴摯左帥得書感泣
遂還駐武昌八月辭赴崑山依族氏居焉甲申後益謝

靳州志

卷十 藝文

李

人間事假方外勵志潛修惟立言是務所著有戒史三
百卷自神農至漢景帝紀元無號三千七十四年自漢
武建元元年辛丑至明崇禎十三年庚辰紀元有號一
千七百八十年自唐堯即位二十一年始立甲子至明
崇禎十三年凡六十七甲子零一十六年用劉向洪範
五行邵子皇極經世王奕中興天文推筭災祥以垂鑒
誠故名曰戒史書成于庚辰故止庚辰卷帙繁重并生
平著作雜文四十卷北京事物紀十卷皆燬于寇在津
門時取古人品次倣人物表聖賢用殊次則藍下則墨

如湘東三品筆下燦然可觀以便學者曰津門三書及楚
亂崑山念蘄黃八江防重地著蘄州志起春秋襄公二十
四年壬子是爲周靈王二十三年止明崇禎十六年癸
未計二千一百七十餘年其間兵戎沿革諸類凡二十
六以顧氏家傳終計一百卷其言該博義主旁通以其
書成一家故又曰顧氏蘄州志又二十一史平論二十
五卷五經說七卷牆壁皆置鉛槧其沈酣道義垂老不
衰大致若此歲辛巳謂長君景星曰盍歸乎歸蘄值年
大凶即托神仙辟穀術茹栢飲水數月神愈王遂取養

蘄州志

卷十 藝文

全

生家言手自撰錄百卷曰玉京括錄所居編茨爲門支
石成几嚴寒片氈裹腕手不輟書足履所至不越榻几
尺地經年外尸罕闕瓦器山蔬懸鶉帶索鹿裘羽冠尺
絺蒙面焦刺纏足麤糲皆人所不堪怡然自樂也畜雄
雞五六各有名識雞亦不雉至八九年聲如老人欬候
鳴即起正襟危坐凝神默存久之不臥脇不貼席者六
年雖子姪至親歲不過一二見獨處宿者二十年因素
善病乃精橋髮鍼石著鍼灸至道三卷素問靈樞直解
二十卷用焦易筮法往往奇中作焦氏筮說做袁了凡

功過格名平一言一行以至舉念每夕皆筆之于書
蒼焚告其潛修篤學克已勵行皆此類不逮事父母事
婦姊貞節甚嚴恪每遇知契談及撫孤時事輒涕下交
頤崇禎二年直指宋公景雲大宗伯李公騰芳以其事
聞于朝荷旌表癸未九月貞節卒于江寧先生時客于
陽得報自牀投地以爪破面流血沾襟生平不輕受一
錢有族伯叔行者卒無嗣往哭其家遺以百緡力却謝
以調族之貧者族子有貧而自鬻質衣代贖更給以田
當避奄禍時踉蹌出都有以金寄其寓邸者封識密囑

蕪州志

卷十 藝文

全

主人曰是我所著書幸善護藏勿失寄者疑已携歸至
三 郎驗之封識如故始大愧服然性嚴急好面詬人老尤
甚旋復自悔至人有隱惡未嘗一舉發也歸園後種竹
植藥蕃茂成叢癸卯二月乙丑晝晦有白鳥千百數飛
止松園盤旋不去者三日先生愀然曰豈爲我耶謂長
君曰余生平歲逢癸輒不利且大父卒年大水今如之
將觀化一巡殆不久人間世矣長君爲驚慟強引神仙
延年說寬慰之先生曰惡有是余一切以仲尼爲法者
十月暴下血鑿勸之臥弗聽曰吾晝夜危坐六年下茲

矣豈今遽及于亂十一月廿七將旦提長君耳曰他人
或僞言老夫無僞者吾家世清約凡喪葬禮宜從古棺
用瓦勿受弔奠勿刑牲既窆勿封勿樹是日起居如常
及午忽索衣冠正襟危坐曰長君曰父子難得吾去矣
以手揮曰勿扶凝然端逝越數時頂蒸蒸然熱迨斂手
足屈伸如生先生生大明萬曆之戊子卒大清康熙之
癸卯既卒凡鄉人之素致誠服者私議謚以尊之曰貞
譽抑古禮也生子一卽景星甲辰之秋以奉遺命來舊
籍崑山謀移姑貞節之殯還蘄合葬諸夫墓時絃以同
蘄

蘄州志

卷十

藝文

奎

里督儲于吳爰持先生狀來告曰不孝孤知識晚先人
隱德多不言畧舉大端孝友誠恪其性也澹薄廉讓其
操也淹雅博綜其學也智慮通敏其識也一命不拜其
遇也吾子素偕先人遊諳其素履矧儼然浚明之列區
別人倫固所有事編紀之任亦安得辭余既逡巡不獲
避爰括所述狀而爲之傳焉贊曰聞之家服爵者世以
榮家立德者世以學前代若程朱胡陸兄弟父子淵源
世業著號儒宗休乎盛矣其在吾蘄以理學名家者爰
推二顧有孫繼起修名砥行不墜祖風方之昔賢無多

讓矣至其居平視履易簣全歸祖孫一揆非其學焉有
獲胡克臻斯歟昔揚洪農以清白貽後人及葬有大鳥
飛集墓頂哀鳴不去然則松園白鳥之感當不徒然綴
諸簡端可爲學士風勸也

李時珍傳

顧景星

李時珍字東璧蘄州人父言聞孝友以鑿爲業王侯重
之時珍生白鹿入室紫芝產庭幼以神仙自命年十四
補諸生有聲三舉於鄉不售發憤讀書十年不出戶闕
經傳子史聲律農圃星卜佛老稗說莫不備究待詔瞿

九思以師事之尤善醫遂以醫目名嘗投單方愈病多
不取值遠或千里就藥於門富順王嬖廢孽適子疾王
因密諷時珍時珍以良藥進題曰附子和氣湯王感悟
適子卒得襲位楚王聞其賢聘爲奉祠掌良醫所事世
子暴厥時珍立活之王妃自負金帛以謝不受薦於朝
授太醫院院判數歲告歸著本草綱目以太倉王世貞
海內博學携書就正世貞序其書稱爲北斗以南一人
生平多陰行善不令人知年七十餘預定死期爲遺表
授其子建元令上之其畧曰臣幼羸疾長成椎鈍惟就

嗜典籍奮切編摩纂述諸家心殫釐定伏念本草一書
關係頗重謬誤實多乃加訂正歷歲三十功始成就自
炎皇辨百穀嘗百艸分氣味之良毒軒轅師岐伯遵伯
高剖經絡之本標遂有神農本草三卷梁陶弘景益以
注釋爲藥三百六十五種唐高宗命李勣重修長史蘇
恭表請增藥一百一十四種宋太祖命劉翰詳校仁宗
再詔補注增一百種唐慎微合爲証類修補衆本自是
指爲全書夷攷其間玼瑕不少有當析而混者萎蕤女
萎二物併入一條有當併而析者虎掌南星一物分爲

蘄州志

卷十 藝文

七

二種生薑薯蕷菜也而列草品檳榔龍眼菓也而列木
部八穀生民之天不能辨其種類三菘日用之蔬罔克
灼其質名黑荳赤菽大小同條硝石芒硝水火混注蘭
花草卷冊爲百合寇氏衍義之舛謬黃精卽鉤吻勾柝
旋花卽山薑陶氏別錄之差譌歐漿苦膽草菜重出掌
氏之不審天花括樓兩處圖形蘇氏之欠明五倍子構
蟲窠也而認爲木實大藟草田字草也而指爲浮萍似
茲之類不可枚舉臣不揣愚陋借肆刪述複者芟之缺
者補之如磨刀水潦水桑柴火艾火鎖陽山奈土茯苓

番木鱉金枯樟腦蝮虎狗蠅白蠟水蛇狗寶秋臣今方
所用而古本則無三七地羅九仙子龜鼈香猪驢子勾
金皮之類方物土苴而裨官不載舊藥一千五百一十
八種增藥五百七十四種分一十六部五十二卷正名
爲綱附釋爲目次以集解辨疑正誤詳其出產次以氣
味主治附方著其體用上自墳典下至傳奇凡有攸關
靡不收掇雖命鑿書寶賤物理伏願皇帝陛下特詔學
臣補著成昭代之典書當與日月爭光臣不與草木同
朽萬曆中勅中外獻書建元以遺表進命禮部騰寫兩

蕪州志

卷十 藝文

奕

京各省布政刊行海內珍之時珍晚年學尤篤晝夜不
輟自號瀕湖山人著醫案二十卷邁所館詩十卷集唐
律六卷脉訣一卷五臟圖論三焦客難命門考蘄艾傳
白花蛇傳行世又著天文地理奇門遁甲諸書以子建
中貴封文林郎崇祀鄉賢

顧景星曰余兒時於里中聞知先生軼事孝友豁達饒
隱德晚與余大父交悟濂洛之旨讀書以日出入爲期
夜卽端坐蓋有道者也其以神仙自命不然歟詩文他
集兵火多不傳惟本草綱目行世攷釋性理格物可裨

爾雅詩疏舊本附方二千九百三十五增千一百六十一皆謂獨得云

贊曰李公份份樂道遺榮下學上達以師古人既智且仁道藝以成遐以媿之景純通明

李建中傳

李建中字龍源時珍長子性至孝十歲能文十二爲諸生有巡按御史舟阻風駐驛諸生八謁御史指柱構蠹孔曰楓木年深生孔子建中應聲曰菊花秋老見黃香御史大奇之曰子才位當亦黃公一流嘉靖四十三年

新州志

卷十 藝文

七

舉於鄉六上禮官不第署河南光山教諭爲諸生授經泉脩轉給寒士陞四川蓬溪知縣梓潼地饒俗靡建中以廉率下時布袍角巾往來赤城青石風門明月之間著有蜀遊草明月山詩數卷潼川旱建中草履行禱卽日境內大澍呼爲李公雨後攝安岳新令至安岳人稱但願如攝令者其攝遂寧亦然封文林郎以循良擢雲南永昌同知因親老不拜三上牘乞休歸無長物惟桃竹蔗霜以餉親知父母年七十不異孺慕居喪水漿數日不入口年六十卒於家門徒多貴士出奔喪數十人

以子樹初贈中憲大夫崇祀鄉賢

李建木傳

顧景星

李建木字泰階時珍末子少為諸生知名試輒高等澹泊耽書史未嘗一至公庭嘗路拾遺金立移日不去待遺者還之親戚或就貸不能償者輒焚其券亦不與人言萬曆三十六年大水孳死載道建木為粥以食全活數百人古稱隱德君子非軼初無子以兄子樹初嗣誥贈中憲大夫山西按察司副使崇祀鄉賢

勅贈盧母羅淑人墓誌銘

婁東吳偉業

祭酒侍讀

新州志

卷十

藝文

矣

淑人姓羅氏楚之新州人

贈中大夫鹽運使盧公首

山諱如鼎之妻進士營江南漕務左叅政絃之母也首

山於癸未二月賊張獻忠攻蘄誓死設守得正而斃叅

政時計偕在都次子絃又先期遇害淑人號哭行求收

公屍于骸骨撐拒之中以待叅政之還憂勞成瘁不半

載而卒得年六十有七蓋公之死則殉城也淑人之死

則殉夫也可謂酷矣人猶為淑人厚幸曰未沒于兵又

六年叅政成進士

聖朝推恩其母初以新泰令贈孺人再以桂林府同知贈

陳縣令長卿先生傳

新安志

新安呂兆琳

進士

公諱顯元字長卿湖廣新州人賦性孤直嗜學好修曠
不諧俗自行其性以五經試售副卷應明經科崇禎十
五年落新安適丁大亂貧民易搖威乘之則去恩撫之
無由公遇大盜強禦不憚法制于子遺則煦以霽顏畧
無崖岸亂後祿入甚薄毫無取于民間粗衣糲食與齊
民等或徒步于道詢邑疾苦常推食解衣以拯饑寒者
尤喜人讀書于貧寒子弟力不能贍者助費以成其志
邑人呂兆瑠田荒苦徭則代其區處爲文學程廷棟婚

新州志

卷十 藝文

五

配代具聘資公堂合卷公不事積儲甘心淡泊得俸卽
分惠拯急畧無遲迴仆者起困者解公之心力盡取白
骨肉之矣當是時闖寇衝馳強暴橫行諸如客兵供費
朝廷煩役歲不下數萬絲銖膏血征求不止爲之上者
不聞推置公上書疾呼當道者哀如克耳公慮益苦心
益惻一意撫摩不以時艱自憚追闖寇迫臨邑垣已頽
率百姓入關門寨死守旬餘力匱而陷先日賊發牌令
降公擊碎其牌賊詢擊牌者公揚言曰爲國保守封疆
恨不殺賊擊牌分應耳語畢大罵賊恨關門抗守盡屠

宜人三以長蘆鹽運使贈淑人

國家十數年間凡有單慶大典叅政母子未嘗不在褒
寵中可謂榮矣人猶爲淑人惋惜曰不及于祿偉業讀
其家傳而歎曰天地慘黷生民糜爛閨門婦孺以一身
搯挂于室家骨肉九鼎一絲之際豈不難哉當斬之初
被兵也首山之次子紱紱子晨初從子紳紳子震初皆
死而紱妻楊氏震初妻袁氏死尤烈又一月而首山及
叅政之長子且初同罹于難斬黃旣全楚之望盧氏尤
稱忠孝義門推厥本源咸出公與淑人之教至於今曹

蘄州志

卷十 藝文

堯

江之水空流宋廟之火久熄有過中郎之閭而弔其禮
宗者幾與其姬孝娥同其節槩淑人生嘗荼苦沒被寵
榮烏頭雙闕且與豐碑宰木照耀天壤此史氏所必載
而私紀可以弗之詳乎按狀淑人之父繡軒公官藩府
書記從荆邸自建昌遷于蘄因家焉盧氏叅政之大父
曰贈大中大夫南槐公兩家共里閭爲世好繡軒任俠
能文南槐之弟曰南林好碁酒尤相善南槐嘗遠遊而
不在兩人共奕從者劍首山立于側南林撫之曰兄子
也請君女以爲婚羅公笑而應曰諾南槐至而弗改也

之公更曰守寨由我百姓何辜寧碎我勿殺百姓賊益
怒公罵不絕口遂委解之公同子過客關門不殺者三
十六人負上成墳呂兆琳曰生不窮其惠死不泯其忠
忠惠即可爲公私謚身載綱常履變不撓清風勁節自
行天性可以師百世矣

南槐娶於宋有二子而毋見背公生已五年矣繼室以李氏無子視之如所生羅氏則爲愛壻蚤失恃其周恤甚有恩紀叅政言之輒出涕曰吾外王父之德猶吾上父也淑人年十九歸于公生長高門裝送爲盛淑人綦縞自其執紼弗御箴管盤裘紉治必工爲人儉而莊柔而正通詩書能識其大義事高堂具有禮法南槐天性剛嚴寢門之內懾氣屏息李淑人雖賢乎後姑也舅氏之佐造者又擬於女君勃稽語言易生嫌間伯兄長姒爲之析產異居淑人則下氣怡色就養無方二十餘年

能奉之以終始斯其孝可知已羅氏之喪人勝羞脯醢倣王家食官之制南槐造而并之舍是卽投箸命徹淑人知之中厨躬自割烹約水火之齊醬物珍物必致其美命勝者奉以饋曰此羅氏美也淑人性不飲自奉靡飯無兼味有潔癖盥篋七箸必手滌而几席振拂無纖塵身親非白生殖漸充僅指百餘計口賦食嘗御之以寬終歲不聞疾言遽色而內外奉其規程莫敢陟輸嬉笑者其家法如此首山屢贖于錮院淑人婉語相勞叅政兄弟就列傳所以教督之有方嘗篝燈聽夢夜請

至東漢 弘傳舉弘糴糶貧賤之語以爲訓又至寇準
傳曰天一 好用寇老兒爲人當如此矣得參政丙子賢
書信曰 他日所就詎止此旁人視之殊無驚喜容退
而皆服 禍之作也首山自郊徙於城淑人方盥洗聞
鬼哭愴然 知不保城陷公被縛矣已而釋乎執參政之
子旦初昭 初扶其母張淑人以免弟綬則與妻子偕沒
淑人倉黃 散有外戚熊姓者導之使歸踰月寇復至公
與於難二 採別而纍昭初乘間逸旦初遂不知存亡淑
人僵立壤 牆之旁同里顧氏妾者左右之還之以其衣

藝文志

卷十 藝文

圭

遂與張淑人偕脫嗚呼此二者孰非天爲之哉首山以

二月二十二日殪又十日於江許而得淑人哭而收之

焚以殮亂 故不成喪也參政聞遣西還遇其孥於湖涘

之舟相扶 歸辰山鄉莊而淑人亦已病八月之二十二

日遂草其 訣也猶以沒身子手爲幸飯舍之夕非淑人

避兵時所 持帛中金則不能爲柁參政言之輒嘖然哭

墓在蝦蟆 沔之秀山原以視土門珠樹林首山藏骨處

爲別葬孔 曰衛人之祔也離之魯人之祔也合之季

武子曰合 葬非古也周公蓋祔君子之重其親有其禮

無其時不能行也同穴之詩平世之所爲作評所論於
流離板蕩哉夫升降之復以矢狐貍之爭以鬢若首山
公者所謂埋而置揭得土而已此窮於禮者之禮也淑
人則猶得歛以時服懸棺而封故其於公也有杞梁同
絕之心而援蒼梧不從之義別誌者蓋變文以起例所
以著其孝而申其哀焉余嘗汎覽史傳每歎天下大亂
女子之死節者其姓名最易爲抑沒傳者蓋千不獲一
惟子奉其母婦奉其姑幸而得免者其後門第先顯後
人爲之稱述或側見於孝義獨行世家列傳之中而貞

新州志

卷十 藝文

七

姬節母遂以奕世不相今觀淑人得全而楊氏袁氏因
之併著於後蓋造物若留之俾生者絕而復續死者隱
而得章必如此始可報首山於九原而啓叅政於身後
豈偶然耶余史官也又嘗使楚於楚事宜詳叅政今宦
於吳爲蕭吏爲孝子傳曰非此母不生此子然則淑人
之必傳於百世無疑也是何可不銘銘曰

鈞鉏原阜兮其流發發爰采香草兮我心則悅石穴洲
高兮銅索江小翠篠霜筠兮停雲縹緲若堂若斧兮出
於湖墳一洲之哲兮八木之門釋奴龍子兮一日千里

伊誰貽之分母之懷矣
斬春大澤兮狐鳴篝火黃巾城
下兮白骨道左父求死子兮婦求死夫無使併沒兮天
乎何辜崩城隕霜兮匍匐喪亂歛鬼山丘兮夫復奚憾
我刻斯銘兮用昭

愍綸誰曰不見兮後千百世其長存

王文學爾錫先生墓誌銘

郡人盧絃

元度

王氏於蘄爲望族數百年間甲第隆起蟬聯不絕也其
在明隆萬時水部郎正齋公特以治績聞晉滇南廣南
郡守是生陪京虎賁衛幕秉吾公秉吾公生文學文學

蘄州志

卷十

藝文

七

諱胤隆字爾錫生癸巳年甫成童補蘄庠博士弟子以
能文有聲屢試輒高等鄉闈凡七試幾售復擲者再自
食餼廩雖一時曹偶多見推終以落落不遇爲憾天啓
末以例貢應得補郡邑丞佐員不屑就仍赴省試者三
至庚辰冬以疾卒時年四十有八大志未竟惜也方秉
吾公之生文學也得頗艱然性嚴峻終不事姑息愛居
恒訓導自進退威儀以至應對賓客秩秩有紀朝夕習
於庭不中度謹訶輒隨以故文學雖生長貴介恂恂若
處子選言而出擇地而蹈自師淑外無妄交中年如聯

稱知名士爲社相砥曆學大進王氏之先世以尚書名家自侍御長石公以麟經售文學亦治麟經著有鶴枝館歷試草蓼堂詠及淡社初編制舉書外又著有金剛經解及梓感應篇以行生平凜凜惟先訓是程無愆尺寸若兩喪尤有禮母馮孺人大司寇午山公從女元配李孺人憲副鑑池公次女閻儀著範有由然矣生子四長志溥次卜年又次宗亢又次士濟皆諸生生女三許聘皆名族孫三晉凱咸亨乃志溥生履泰乃士濟生新郡之罹寇難也文學先四年而卒殯於堂遂及燬李孺

新州志

卷十

藝文

七

人暨志溥士濟獲免卜年宗亢歿於寇時家僅某暨僧克凡者於殘礫中收其殖殮而藏之李孺人暨二子脫難後易以棺移殯鄉莊閱九年歲在辛卯始葬於西鄉圓峯山之麓蔡家橋先人墓左之數武又十七年志溥以絃於文學爲世交悉其素履命弟士濟持書來告云先府君葬雖有年而藏地片石尚鮮一字之識無以示來茲乞爲之銘番諸承久二子方不懼里數言是微可謂不替孝思矣爰爲作誌並系以銘曰有峯圓兮鬱其崔嵬有流長兮如帶澗洞藏貞宅

旣起以不悛

太原分世德之培植文學今生挺植材既全而分令
無隕安斯衰兮蕭然墓臺華表高兮靈鶴翔來松樹
兮孝子顧哀累千禩兮榮葉斯用

宛丘陳先生墓誌銘

即人盧紘元慶大參

公諱正字剛中號宛丘世系江州義門始祖陳競同居
十八世子孫約有萬計有司奏請分居至守旒始遷於
蘄之三角山傳十四世而及公公祖一務父吾尚皆先
輩理學其叔祖仁近登嘉靖庚子鄉試自公弱冠時賦
資穎異凡古今書史一經目覽即能成誦而且家學淵

蘄州志

卷十

藝文

七五

源薪傳相續其下筆成文汪洋浩瀚時人以學海稱之
及長督學祀瞻葛公歲試入黌尋以科試第一補廩葛
公喜其文醫公齊安書院肄業每月給銀供膳斯亦曠
代之奇遇也踰年巡按宋公觀風蘄黃閱及公卷即大
奇之特取拔冠九屬倍加優賜至每試冠軍未暇悉記
誠可謂國士無雙者矣辛酉科入鄉闈房考已取公卷
呈堂矣會州有欲寅緣者事洩至司避嫌發榜時凡一
切州卷悉棄不錄後公得卷嘆惜者久之父吾尚公辭
之曰汝屬少年前程尚遠但當磨礪以須耳公遂憤志

與張子... 應元其愛重之刻有陳張二子稿行世一時士子無不
奉為模楷天啟二年內閣施鳳來先生來蘄封王蘄諸
生俱以文請施獨愛公邀之入見見公氣度端凝從容
開雅談盤旋數日不唯臨別厚贈且到處逢人說項矣
使非公之德業冠絕一時何以致此時年四十有七矣
公入鄉試凡十科其取而復置者數次是豈人力之未
至歟抑時數之不齊耳於是絕志進取以詩書承先啟
後為已任生五子課三子入庠凡一時名雋皆宗其傳

蘄州

卷十 藝文

七十六

行年五十輪癸未歲貢領單將廷試後旋遭敵寇陷城
屈公從之公罵賊不降觸石而死其二子被虜惟三子
應宗應泰應詔潛遁負其骸葬於雨湖東岸與父吾尚
公合塚而其孫子之繩祖武者又蒸蒸然繼公而起矣
今為之銘曰

維公之英崧嶽儲精文騰奎壁氣凜風雲千年如覩矣
世丕承神其永奠不朽斯銘

